

# *BODUMEDI JWA GA JESEBELE*

 A re saleng re eme motsotso fela, fa re neela Modimo ka ntlha ya sena. A re obeng ditlhogo tsa rona.

Modimo Rara yo o tshwaro le yo o Boitshepo, re itumetse thata gore Wena o mo—Modimo, le yone thuso e e leng teng ruri ka nako ya bothata. Re Go lebogela se O se re diretseng. Ga re kgone fela go supa, go tswa dipelong tsa rona, ka fa re lebogelang sena ka gone, le ka fa O tl Lang mo phalotsong ya rona fa re le mo bothateng. Re ithutile, go ralala dingwaga, go Go tshepa le go Go dumela.

Mme ke a rapela, tshokologong eno, Morena, gore O tlaa tshela ditshegofatso tsa Gago mo bathong bana. Mma go se nne le motho yo o bokoa mo gare ga rona nako e tirelo ena e khutlileng. Fa e le gore go ne go tlaa nna le mongwe fano yo o sa lolamang le Modimo, mma Thata e e tsotsitseng Jesu mo lebitleng, e rudise mebele ya bone ya go swa, Morena, le mowa wa bone wa botho, mme e ba sokollele ko go Wena. Go dumelele, Morena. Bao ba ba senang Mowa o o Boitshepo, mma lena e nne letsatsi le le lengwe le legolo le ba se kitlang ba le lebala, gonnie mma e nne le letsatsi le Modimo a tshollelang Mowa wa Gagwe mo go bone. Go dumelele, Morena. Re itshwarele maleo a rona.

Re tlaa rapela gore O tlaa segofatsa Mokaulengwe Sullivan, tsala ya rona e e pelontle le e e rategang thata, le dikakanyo tsa gagwe ka ntlha ya batho, le go leka go ba tlisetsa kgonafalo nngwe le nngwe e a ka e kgonang, go ba thusa. Ke rapela gore O tlaa segofatsa Mokaulengwe Sullivan.

Segofatsa badiredi go ralala lefatshe, gongwe le gongwe. Ba neele letlotlo le le feteletseng, Morena. Mma ba eme ba le pelokgale mo felong ga therelo mme ba bolele Lefoko la Modimo, gonnie re tshela mo dioureng tsa go tswala ga ditso tsa lefatshe lena. A ko bomolemo jwa Gago bo re tshutifalele mo dinakong tsena. Gonnie re go kopa ka Leina la Jesu. Amen.

Lo ka nna lwa dula.

Ke lebogela thata lona batho jaaka, mo Modimong, ka ntlha ya sena. Mokaulengwe Sullivan o ne a go ikaelela. Lo a bona, go tlaa bo go sa siama gore Mokaulengwe Sullivan a dire seo, jalo he re ne re nitame ka go go baakanyetsa. Re le lebogela bopelonomi jwa lona.

<sup>2</sup> Mme, jaanong, ka ntlha ya nee—neelo ya lorato, yone . . . lo ne lo sa tshwanelo go dira seo. Nnyaya, moo go ne go sa tlhokafale. Lo a bona, fela . . . ba duela ditshenyegelo, hotele le dijo, se re neng re na naso, mme moo ke gotlhe fela mo go neng go tlhokega. Fela ke a leboga, ka bopelonomi thata, mme e tlaa ya go thusa

boanamisa tumelo mme go tlise batho mo Modimong. Ga go tle go nna le disekarete dipe tse di rekwang ka one, whisiki epe, sepe se se phoso, e tlaa ela selo se se siameng. Mme ke rapela gore Modimo o tlaa tsenya seo mo polokelong ya lona ko godimo kwa, mme a go ntsifatse ka dikete di le lesome, dolara nngwe le nngwe, kgotsa—kgotsa peni, kgotsa nikel e lo e ntsheditse tirelo ena.

<sup>3</sup> Mme, jaanong, ke batla go lebogela Sesole sa United States go re littlelala re diriseng kago ena go nna mo go yone, go nna le ditirelo tsena. Nna ruri ke ba leboga ka pelo yotlhe ya me.

<sup>4</sup> Mme jaaka ke tlhaloganya, Mokauengwe Sullivan o rile sengwe le sengwe se tlaa duelwa gone sente. Ga re ise re tswe mo motseng ka nako e, re kolota sêntê e le nngwe, fa e se gore sengwe le sengwe se ne sa tlhokomelwa; mme fela ga re dumele mo go sepe se sele. Ga o a tshwanela go kolota ope, o tshwanetse o duele dikoloto tsotlhe ebole o tlhoke matsoke. Mme fa o kolota mongwe, tsamaya o lebagane nabo mme o ba bolelele gore o a ba kolota, fela ba go neye nakonyana, mme o tlaa go duela. Lo a bona? Ka gale, moo ke se se botoka... Moo ke letshwao le le siameng la Bokeresete: go nna boammaaruri, go thokgama.

<sup>5</sup> O batla go tshela fela se o buang ka ga sone. Fa o sa go tshele ka bowena, o ka solo fela jang gore mongwe o sele a go tshele, lo a bona. Jalo he lo dikwalo tse di kwadilweng, tse di balwang ke batho botlhe, jalo he ka nako tsotlhe lo nne boammaaruri, tshiamo, nneta. Bua baommaaruri, go sa kgathalesege ka fa go utlwisang sengwe botlhoko mo go maswe. Bua baommaaruri, le fa go ntse jalo, ka gore o kgona go tlhola o bo bua ka tsela e e tshwanang nako nngwe le nngwe. Mme fa o bua leaka, o tlaa tshwanela go tsamaya dimmaele di le sedikadike go dikologa, mme o santse o tshwanela go boela mo leakeng leo gape; mme o dirile fela selo se se boitshegang. Nna boammaaruri fela, mme o ka kgona go tlhola o bo bua ka tsela e e tshwanang ka gore ke boammaaruri.

<sup>6</sup> Eo ke tsela ka Baebele. Go bolele fela ka tsela e Baebele e go buang ka gone, o sekwa go tsenya mo dipharagobeng, go bue fela ka tsela eo, fela... go kwadilwe gone fano mme—mme o kgona go supa monwana wa gago mo go gone. Yone ke—yone ke... eo ke tsela e o fenyang Satane ka yone. Satane ne a raya Jesu a re, “Fa O le Morwa Modimo, a re Go bone o dira motlholo. Ba re O ‘modiragatsi wa metlholo.’ Fetola mantswê ana go nna senkgwe, mme mpe re bone. O tshwerwe ke tlala.”

<sup>7</sup> O ne a re, “Fela go kwadilwe, Motho ga a kake a tshela ka senkgwe se le sosi.” Lo a bona? O ne a tsaya Lefoko la ga Rara a bo a fenyang diabolo, gone mo magatong a e leng a gagwe. Jalo he o kgona go dira selo se se tshwanang, go fenyang diabolo mo magatong a gagwe, ka Lefoko la Morena.

<sup>8</sup> Ka ntlha eo, ke tlaa tlhola ke lebogela Mokaulengwe Sullivan. Mona ke... Itshwareleng tsetla lena: Ke akanya gore

erile ba ne ba bopa Mokaulengwe Sullivan gore O ne a latlhela phethene kgakala. Ga go ope yo o tshwanang nae. Go na le monna a le mongwe fela yo nkileng ka kopana nae mo botshelong jwa me yo o neng a nkgopotsa Mokaulengwe Sullivan, yoo e ne e le E. Howard Cadle. Ga ke itse akana o kile a mo itse kgotsa nnyaya, go tswa ko—go tswa ko . . . Mokaulengwe Cadle e ne fela e le mosiamane wa magaeng wa kgale yo o siameng jaaka Mokaulengwe Sullivan. Mme o ne a tle a tsenye diatla tsa gagwe ko tlase mo dipateng bokgakaleng jo bo kalo go fitlhela dipante tsa gagwe tsa magetla di ne di gogetswe ko tlase tlase, mme a bue ka tlhogo ya gagwe e lebile ka fa thoko, mme o ne fela a le E. Howard Cadle a le mongwe. Mme jalo he nna ke—nna ke itumetse thata go nna le Mokaulengwe Sullivan e le tsala le mokaulengwe mo Efangeding. Mme ke rapela gore Modimo o tlaa mo segofatsa le kereke ya gagwe e nnye golo fano, mosadi wa gagwe yo o rategang thata, ba lelwapa la gagwe.

<sup>9</sup> Mme mo go lona, badiredi ba bangwe ba ba leng fano, mo go lona le phuthego ya lona, bareri ba Efangedi e e Tletseng, ka ga dilonyana tsa se tegeniki tsa Lekwalo re ka nna ra se dumalane mongwe le yo mongwe. Ga ke dumalane le mosadi wa me ka dilo dingwe. Mme lo itse gore moo ke ka ga mo go eng? O rata borotho jwa motlapiso wa apole mme nna ke rata tšheri, jalo he ga re dumalane. Ke le bolelela se ke se dirang ka jwa me: ke rata setoki se se molelo tota sa borotho jwa motlapiso wa tšheri (nka kgona go o itshokela gone jaanong) mme ke tshele botoro mo godimo ga one, mme ke tlogue ke tshele dimolase mo godimo ga joo; mme, mokaulengwe, o na le sengwe se se tshwanelwang ke go jewa! Mosadi wa me o a bo tshaba. Ke akanya gore o tshaba dikhalori. A ka nna a bo rata, fela lo itse ka fa basadi ba ntseng ka gone, ba tshaba . . . Ba nna basesane thata gore o ka kgona go ba tlhaba ka sepelete o bo o ba sega go tsenelela ko lerapong, mme le fa go ntse jalo ba batla go—ba batla go fokotsa. Moo ke tlholego ya bone, ke a fopholetsa, jalo he go na le . . . Mme, fela ke rata seo. Jaanong, ga re dumalane mo go seo, dilo tse dingwe re siame. Fela, lo a bona, ga re mo tumalanong ka boitekanelo. Jalo he re tlaa bona selo se se tshwanang, bakaulengwe, fela selo sa konokono, re ja borotho jwa motlapiso, moo ke selo sa konokono.

<sup>10</sup> Bogolo thata, mo kolobetsong ya Mowa o o Boitshepo, le go tla ga Keresete, le dithuto tse ditona tsa efangedi, tsa metheo tsa Baebele, rona e le ruri re ema re golagane mmogo ka seo. Jaaka bakaulengwe ba le bangwefela ba ba tona ba ba kopaneng, go sena sekgoletsi sa makoko, go sena sepe go re kgoreletsa, re gwantela ntlheng ya Golegotha re le sesole se se tona se le sengwe, ga mmogo.

<sup>11</sup> Fa nka ba ka nna thuso epe mo go lona, ke tlaa itumela go go dira. Mme ke tlhomamisa le tlaa bua selo se se tshwanang. Mme lo ka nna thuso mo go nna. Mme moo ke selo se le sengwe se le ka se dirang, se ke se itseng, ke go nthapelela, gore Modimo a

se ntetle ke tsamaye ka go fosa. Ke—ke—ke . . . Ga go mo pelong ya me go tsamaya ka go fosa, ke—ke batla go tsamaya ka go nepa, ke batla go dira se se siameng. Ka gore ke a lemoga, jaaka Mokaulengwe Jack Moore a ne a mpolelela nako nngwe, ne a re, “Mokaulengwe Branham, ga ke na go rata go ema mo dibutsing tsa gago ke emele maitemogelo otlhe a gago, kwa Letsatsing la Katlholo, ka gore Modimo o ile go batla mo go wena karabo e tona,” ne a re, “ka gore O go neile batho ba le didikadike tsa batho mo diatleng tsa gago.”

<sup>12</sup> Jaanong, fa e le gore ke itse gore ke ile go ema koo ke bo ke arabela ka ntlha ya batho bao, ke gone ke mohuta ofeng wa Efangedi e ke tshwanetseng go e rera? Ke mohuta ofeng wa bopelophepa, fa ke tshwara theko ya Madi a Gagwe mo diatleng tsa me? Mme jaaka A nneile neo go . . . go feta moriti wa pelaelo, motho ope yo o akanyang ka go tlhaloganya o tlaa itse gore go tshwanetse go tswa ko Modimong. Mme ka seo, fa nka timetsa mongwe mo tseleng e e phoso fela ka gore setlhophapha sengwe se buile seo, Modimo o tlaa ntira gore ke go duelele kwa Letsatsing la Katlholo.

<sup>13</sup> Fela erile ke ne ke bona ponatshegelo, fano e se bogologolo, ke bo ke utlwa batho bao ba goelets . . . A le tsere bukanyana ya lona bosigo jo bo fetileng? Le—*Lentswe* la Bontate ba Kgwebo. Moo go molemo. Mme mo ponatshegelong . . . Nako nngwe re tlaa dira gore e gatisiwe ka dintlha tse di tletseng; moo ga se gotlhe ga yone. Fela mo go seo, mme go boneng seo, mme ke ne ka ema koo fela jaaka—fela jaaka ke eme gone jaanong. Mme ke ne ke itebile ke rapame foo mo bolaang, ke lebeletse mosadi wa me, mme ntswa ke eme fano ke itebile. Mme fano go ne go le batho bao ba eme gautshwane jalo fa ke ne ke re, “A Paulo o tlaa tshwanelwa ke go athholelwaa Efangedi e a e rerileng?”

<sup>14</sup> Ne a re, “Ee.”

<sup>15</sup> Ke ne ka re, “Ke rerile Lefoko lengwe le lengwe fela totatota ka tsela e a dirileng.”

<sup>16</sup> Mme didikadike di ne tsa goelets, “Re itshetletse mo go Seo!”

<sup>17</sup> Eo ke tsela e ke batlang go nne ka yone mogang ke kgabaganyang koo, lo a bona. Ke batla go nne ka tsela eo, fela jalo, fela se Paulo a se buileng. Ga ke batle go oketsa selo se le sengwe mo go Yone, go tlosa selo se le sengwe mo go Yone. Fela se Baebele e se buileng, moo ke fela tsela e ke batlang go go tsweledisa go tsamaya, lo a bona. Mme jaaka go itsiwe, o e tshegetsa jalo, makoko mo lethakoreng lengwe le lengwe a ile go emeletsa sekgoreletsi kgatlanong Nago.

<sup>18</sup> Mme fong, makgetlo a le mantsi, bakaulengwe ba akanya gore ke kgatlanong le bakaulengwe ba me. Modimo o itse mo go farologaneng le seo, fa fela Ena a itse se e leng boammaaruri. Lo a bona? Ga se kgatlanong le bakaulengwe, ke tsamaiso e

e re dirang gore re seka ra nna bakaulengwe. Ga se Lefoko la Modimo le le re kganelang go nna bakaulengwe, ke tsamaiso e re ikopanyang mo go yone e e re kganelang go nna bakaulengwe. Go ntse jalo. Jalo he, re tshwanetse re eme fa kae? Re eme mo Lefokong, mme Modimo o tlaa gogela batho botlhe mo go Lone (go ntse jalo) ka—ka seo. Lo seka la lba la e dira lekgotla, la le dira lekoko, le tshegetseng fela le ntse jalo mo Modimong, mme le tsweleleng fela le tswelela pele; le lebile fela kwa bokhutlong, tshwarang ka tiisetso, Modimoo tlaa tlisa mo go setseng ga gone.

<sup>19</sup> Go nnile le dilo di le dintsi thata tse le di ntiretseng, tse ke di lebogelang. Jaanong fa nka le thusa, ka ga go le neela letsela la thapelo kgotsa sengwe. Jaanong, lo seka la mpotsa thuto, ka gore nna—nna ga ke eletse go dira seo. Batho ba le bantsi ba nkawalela dipotso ka ga nyalo le tlhalano le jalo jalo, mo e leng kgweleanyo mo kerekeng. Ke tlhola ke ba kaela kwa morago, mme ke re, “Botsa modisa phuthego wa gago.”

<sup>20</sup> Batho ba ba nkwaletseng makwalo fano mme ba re, “Ga tweng ka ga *sen*? Ebile ga tweng ka ga *sel*?” Ke kaela lekwalo kwa morago, o tlaa le amogela. Bona modisa phuthego wa gago ka dilo tse di nnye ka gore, morago ga tsotlhe, ene ke modisa wa gago. Ene—ene ke ene—ke ene yo Modimo a mo romileng go go lebelela. Mme re ka nna ra se dumalane ka gone, mme fong moo go baka tlhakathakano mo kerekeng ya lona. Ga re batle seo. Nnyaya! Nnyaya! Re batla fela o emise go dira dilo tse di leng boleo, dilo tse di seng mo Baebeleng, mme o tswelele fela o tsamaela go ya kwa go Modimo. Lo a bona? Mme fa lo baka dikgoberegonyana le dilo tse di ntseng jalo, moo go kgopisa kereke. Jalo he, ke tlaa rata bogolo gore modisa phuthego wa lona a le boleleng ka ga nyalo le tlhalano, le dilo *tsen* le dilo *tseo*, mpe ena a go dire. Ene ke motlhanka wa Modimo le ene, mme o tlametswe go dira jalo.

<sup>21</sup> Le gakologelwa Mosamarea yo o molemo yo o neng a bona monna yo neng a le matsanko? O ne a mo tlisa mo ntlong ya baeti (moo ke kereke) mme a neela monna koo dipentshe tse pedi, a bo a mmolelela gore fa a ne a tlhoka mo gongwe o tlaa mo duela nako e a tlang. Jalo he, o na le dipentshe tse pedi, o nonofile go go alafa fa e le gore ke monna wa Modimo. Fa e le gore ke monna wa Modimo yo o emang mo Lefokong la Modimo, o—o na le se Modimo a se mo neileng: Mowa le Lefoko. A go ntse jalo? Ke jang ka fa re tshwanetseng go obamela ka gone? Ka Mowa *le* ka Boammaaruri. Mme Lefoko ke Boammaaruri. A go ntse jalo?

<sup>22</sup> Jaanong, ke le leboga ka bopelonomi thata, gape. Mme jaanong, ke lapile mo go boitshegang, ebile ke lapile tota tshokologong eno, ga ke ikaelele go nna mo hoteleng e nngwe fa fela ke santsane ke tshela. Moletlo o motona wa botagwa, mme bosigo jotlhe go tswelela, ba itaya dipati ebile ba goelela, mme basadi. . . Ao! Ke ne fela ka nna ke sa robala, bosigo jotlhe. Ke gotlhe. Mme jalo he nna—nna ga ke ikaelele go nna le hotele e

nngwe. Ke tlaa ya ko motheleng. Ke ile go iponela lori gore ke kgone go robala mo go yone, ko ntle mo sebatleng golo gongwe. Ke ile go e tsaya, ke itlele tante le beke e e robalang, kgotsa golo gongwe kwa nka nnang ke le nosi, golo gongwe. Go ntse jalo.

<sup>23</sup> Gone go boleo thata, setshaba sena, ga e kgane! Se gontswa matsatsa, ebile se bodile go tsenelela moding. Gone golo fano mo lefelong le lengwe, mo lefatsheng la lona . . . Eseng fela mo lefatsheng lena, gongwe le gongwe. Gone golo fano, dingwaga di le mmalwa tse di fetileng, ke ne ke le mo bo—mo bokopanong jwa bodumedi golo fano mo lefatsheng, motse o mogolo. Mme bosigo joo setlhophha sa bodumedi, kereke ya orthodox e na le banana, e ne e na le bokopano. Ke—ga ke ise . . . Ke ile ka ya ko Aforika mo tlase ga voodoo le sengwe le sengwe, ga ke ise ke utlw sepe se se ntseng jalo. Mme moso o o latelang, (ga ke kgone go le bolelala totatota, re bareetsi ba ba tlhakaneng) . . . go ntse mo bodilong, dilo tse di bosula tse di neng di dirilwe, mabotlele a whisiki gongwe le gongwe. Mme bana ba ba nnye bao, basimane le basetsana mo kamoreng e le nngwe bosigo jotlhe, ga mmogo. Mme moso o o latelang, “fatere yo o boitshepo” a ntse fa ntle foo, mme bone ba tla foo ba mo ikobela *jalo*. Mo tlase ga Leina la Jesu Keresete!

<sup>24</sup> A ke a peka? Ke eng—bothata ke eng ka nna? Ga ke kgone fela go itshokela dilo tseo! Gone . . . sengwe se ntshikinya go nna ditokitoki fa ke bona seo. A moo go tshwanetse go emela Morena Jesu wa me? Moletlo wa botagwa, o o bosula ka dilo tse di bosula tse di . . . di dirisitsweng mo makaung le basading bao, di ntse mo bodilong le mo dikgamelong tsa matlakala, le mabotlele le . . . Ijoo, thaka! A o ka bitsa moo Bokeresete? Ga e kgane lefatshe le le mo seemong se se boleo. Sentle, moleofi a reng fa a lebelela seo? Dikete tsa bone.

<sup>25</sup> Basetsana ba ba nnye bao ba tagilwe mo e leng gore ba ne ba sa kgone go ema ka boutsana, mme ba le mo kamoreng bosigo jotlhe le basimane bao, le dipuo tse di leswe mo go boitshegang tse o kileng wa di utlwa mo botshelong jwa gago. Ke ne ka baya mesamo mo godimo ga tlhogo ya me *jaana*, go leka gore ke robale. Ko ntle mo bodilong, ba tagilwe, mme ba sianela kwa godimo le kwa tlase ga bodilo jalo, ba le bodumedi!

<sup>26</sup> Jaanong, nka solo fela batho ba ba boleo bana jaaka, jaanong, ba ba ipitsang metshameko, fa ntle fano mo metshamekong bowling. Mongwe wa bongwanake a ka simolola go ya ntlheng ya lebala la bowling, ke tlaa mo lelekela ko ntle ga lefatshe. Uh-huh. Lo bitsa moo motshameko, moo ga se motshameko. Mona ke eng . . . Fa o batla go siama, siamisa le Modimo. Ke nnete.

<sup>27</sup> Ke batla go le balela, mafoko fela go tswa mo Baebeleng. Le fitlhela mafoko a mmalwa ana a ke batlang go a bala fano go nna temana, a fitlhelwa mo kgaolong ya bo 17 ya Dikgosi tsa Ntlha, temana ya bo 1.

*...Jaaka MORENA Modimo wa Iseraele a tshela, yo ke emang fa pele ga gagwe, ga go ketla go nna le monyo le fa e le pula ka dingwaga tsena, ...ka fa lefokong la me.*

Dikgosi wa Ntlha, ya bo 1 kgao-... kgaolo ya bo 17, temana ya bo 1.

<sup>28</sup> Fa nka go romelela letsela la thapelo, nako epe fela, nkwailele fela; mokwaledi wa me fano, yo o leng teng jaanong, Mokaulengwe Maguire. Ke ba le kae ba ba kileng ba amogela letsela la thapelo go tswa mo go rona? Mpe re boneng seatla sa gago. Emelela, Mokaulengwe Jim. Ke batla go bona... wena, le mosadi wa gago le ene. Mokwaledi wa me ke yona le mosadi wa gagwe, bone ba ba berekang, ba ba rometseng... Yoo ke mosimane le mosetsana ba ba le romelelang matsela a lona a thapelo go tswa bokopanong, boobabedi Bakeresete ba ba ineetseng. Mme lentswe, lentswenyana le le monatšana leo le le utlwang mo mogaleng fa lo nteletsa, yoo ke mohuamagadi yo monnye a ntseng foo, mosadi wa gagwe. Rraagwe le mmaagwe, le bone, ba na le rona fano gompieno; le—le ba ba ratiwang, gotlhe tikologong. Jalo he... Mme fong lo itse mokwaledi wa me wa ko bodirelong, Rrê Mercier, Mokaulengwe Leo Mercier, o fano golo gongwe, le Mokaulengwe Gene Goad. Mme jalo he fa re ka go romelela letsela la thapelo, nako epe fela, sepe se re ka se dirang, re go rapelele mo mogaleng; sepe fela se re ka se dirang, re tlaa se dira.

<sup>29</sup> Monna yo o lebegang seeng yona ka lore mo seatleng sa gagwe, dikgato tsa gagwe di tiile, matlho a gagwe a phatsima ka Kgalalelo ya Modimo, ditedu tsa gagwe di phailega mo letlhakoreng la gagwe, seripa sa kgale se se boboa sa letlalo la nku se thathilwe go mo dikologa, o ne a dira kgato ya gagwe fela mo go nonofileng jaaka a ne a fologeleta tsela go ya Samarea. O ne a se mo gontsi thata go lejwa, fela o ne a na le MORENA O BUA JAANA ka ntlha ya setšhaba se segolo seo sa Iseraele. Eya, Elia wa Mothishibe, moporofeti wa Morena. O ne a se mo gontsi go lejwa, fela o ne a na le Lefoko la Morena.

<sup>30</sup> O ne a sa tshabe go ema mo pele ga kgosi, gonno o ne a ntse a le mo Bolengtengeng jwa yo mogolo go feta go na le kgosi, o ne a ntse a le mo Bolengtengeng jwa ga Jehofa. Ke gone ka moo, o ne a itse fa a neng a eme gone. Mme erile a tsamaela fa pele ga kgosi ga a ka a gweletlha le go korakoretsa, o ne a itse se a neng a bua ka ga sone. O ne a kgona go raya kgosi a re, “MORENA MODIMO WA ISERAELE O BUA JAANA, ‘Ga go kitla go nna pula le fa e le monyo ope go fitlhela ke o bitsa.’” Goreng a ne a bua seo, “Go fitlhela ke e bitsa. Go ya ka lefoko *la me*”? Ka gore o ne a na le Lefoko la Morena, e ne e le moporofeti, mme moporofeti o na le Lefoko la Morena.

<sup>31</sup> Ke selo se se gakgamatsang go bona tsamaelano magareng ga Iseraele ya Kgolagano e Kgologolo le Amerika jaanong. Tsone

tsoopedi e ne e le ditshaba tse ditona. Tsone tsoopedi di ne di theilwe, mme batho ba tsone ba ne ba tlide koo, ka ntlha ya dipogiso tsa sedumedi.

<sup>32</sup> Israele e ne e ntse e bogisitswe ke Faro ebile e ne e ntse e le mo bokgobeng makgolo a dingwaga, kwa ba neng ba thukuthiwa go obamela Modimo wa nneta le yo o tshelang, mme ba ne ba thukuthilwe tshiamelo eo; mme ba ne ba fetoga ba nna makgoba. Fela Modimo o ne a ba diretse tsholofetso mo Baebeleng ya Gagwe, kgotsa mo Lefokong la Gagwe, le ka baporofeti ba Gagwe, gore O tlaa ba naya lefatshe. Mme ba tlaa tla mo lefatsheng lena mme ba lelekele banni ba lefatshe leo ko morago, mme ba ne ba thopa boswa jwa bone, gonne Modimo o ne a na le maikaelelo a go dira jalo.

<sup>33</sup> Setshaba se segolo sena sa rona le sone se jalo. Re ne ra tla kwano, mme ko Plymouth Rock setshaba sena se ne sa theiwa mo kgololesegong ya bodumedi ka gore borraaronamogolo ba ne ba tshabile pogiso ya Maroma ya tsamaiso ya Jesebele wa segompieno, mme ba ne ba tla ba bo ba itsokela dipogiso tse dintsi tse di kgolo le boswelatumelo mo tlase ga tsamaiso eo ya maaka ya ga Jesebele. Mme go ya ka Baebele, ya ga Tshenolo, kgaolo 13, Modimo o ne a ba soloeditse bodibana mo sekakeng, le lefelo, gonne mosadi o ne a tseelwa ko bogareng ga naga kwa a neng a otiwa nako, nako, le kgaoganyo ya nako. Modimo o ne a diretse Amerika tsholofetso, kgotsa kereke (a diretse mosadi), gore a tle mo lefatsheng lena.

<sup>34</sup> A lo ne la lemoga Tshenolo 13? Dibatana tsotlhe tse dingwe di ne tsa tswa mo lewatleng, metsi; Tshenolo 17:17, e rile, “Metsi a o a bonyeng ke boidiidi le matshutitshuti a batho.” Dibatana tsotlhe tse dingwe, di tswa mo metsing, boidiidi le matshutitshuti a batho. Fela fa United States e tlhatloga, “E tlhatloga mo lefatsheng kwa go neng go sena batho gone.” Mme gakologelwang, fa e ne e tlhatloga, e ne e lebega jaaka kwana e nnye.

<sup>35</sup> Jaanong, kwana e na le dinaka tse pedi, mme moo ke dithata tsa morafe le tsa bodumedi. Fela fa ba kopane, gakologelwang, ka nako eo gore kwana eo e ne ya bua jaaka kgogela e dirile mo pele ga gagwe; mme kgogela e ne e le Roma.

<sup>36</sup> Eriko kgogela e ema fa pele ga mosadi go kometsa ngwana wa gagwe ka bonako fa a sena go tsalwa, kgogela e khubidu... Ke mang yo o neng a eme mo pele ga Israele mosadi, go kometsa Ngwana ka bonako fa A sena go tsalwa, mme a romela pogiso ko ntle mme a bolaya bana botlhe go tloga dingwageng tse pedi go ya ko tlase? “Roma, kgogela, e ne ya ema fa mosading go kometsa ngwana ka bonako fa a sena go tsalwa.”

<sup>37</sup> Mme fong, re a fitlhela, gore lefatshe lena le ne la tlhatloga e le lefatshe le le golotsweng, mme e ne...ne le na le kwana, mo go rayang Kwana ya Modimo. Fela, morago ga sebaka, tsamaiso

e e tshwanang ena e re nang nayo, e ne ya bua jaaka kgogela mme ya diragatsa thata yotlhe e kgogela e neng e na nayo mo pele ga yone.

<sup>38</sup> Di a tsamaelana, nngwe go e nngwe, ka boitekanelo. Mme gakologelwang fa bana... Iseraele e ne ya tlhatloga ya bo ya tsaya lefatshe la botsalo jwa yone le Palestina, ya lelekela kwa morago banni botlhe ba lefatshe leo ya bo e rua lefatshe. Re ne ra tsena re bo re le tsaya mo Maintieng, ra ba lelekela kwa morago re bo re thopa lefatshe. Modimo o ne a na le lebaka la seo. Modimo o ne a ile go supegetsa lefatshe se A ka se dirang ka se—setlhophanyana sa batho ba ba neng ba batla kgololesego, mme kgololesego ya bodumedi, go direla Modimo.

<sup>39</sup> Ba ne ba direla Iseraele eng? O ne a dira Iseraele setšhaba se se maatla go gaisa mo lefatsheng, mme e ne ya nna ka tsela eo go fitlhela e tswa mo thatong ya Modimo. O ne a dira eng ka Amerika? O ne a e dira setšhaba se se maatla go gaisa mo lefatsheng go fitlhela yone e tswa mo thatong ya Modimo. Tsamaelano, sengwe go se sengwe, totatota.

<sup>40</sup> Erile Iseraele e ne e tla mo lefatsheng, ba ne ba le ba—batho ba batona ka gore ba ne ba na le boeteledipele jo bogolo. Ba ne ba na le banna ba ba boifang Modimo mo godimo ga bone, jaaka Dafita, Kgosi Solomone. Lefatshe lotlhe le ne le ba boifa, mme ba ne ba akola tshiamelo eo ya go tlhoka dintwa, go tlhoka mathata, mme ba tshela mo tlase ga thata ya Modimo, go fitlhela batho go tsweng gongwe le gongwe mo lefatsheng le le itsiweng ba ne ba tla go ba bona. Modimo o ne a ba naya neo ya temogo, e ne e le mo go Solomone. Mme mohumagadi wa Borwa, go tswa... mohumagadi wa Sheba o ne a tla tsela yotlhe go kgabaganya Sekaka sa Sahara (ne go mo tsere dikgwedi tse tharo) fela go utlwa botlhale jwa ga Solomone. Mme erile a bone gore Solomone o ne a kgona go lemoga mewa, ebole a ne a mo itsisitse diphiri tsa pelo ya gagwe, o ne a re, “Gotlhe mo ke go utlwileng ka wena go ne go nepile, le mo gontsi fa godimo moo.” O ne a dumela gore moo e ne e le Modimo.

<sup>41</sup> Mme Amerika, mo thaegong ya borraaronamogolo ba ba tsileng fano ba tlela kgololesego ya bodumedi... Re ne re na le banna ba ba boifang Modimo mo metlheng eo, e le baeteledipele: George Washington, Abraham Lincoln, banna ba mokgwa o o tlategang, banna ba Modimo. Amerika e ne e le Amerika, mo metlheng eo.

<sup>42</sup> George Washington, fano fa Valley Forge, pele ga a ne a kgabaganya Delaware, a rapela bosigo jotlhe, go fitlhela a ne a kolobile go fitlha fa lothekeng la gagwe, a khubame mo kapokong. Mme moso o o latelang fa Maamerika a ne a simolola go kgabaganya, go ne go ka nna fela ba le masome mabedi mo lekgolong ba bone ba ba neng ba na le ditlhako go di rwala, Sesole sa Amerika. Fela ba ne ba na le thaego, ba ne ba na

le sengwe se ba neng ba tshwanetse go se lwela. Ba ne ba sa kgathale se se neng se tla kgotsa se tsamaya. (Balemi ba ne ba tsena, a emisa mogoma wa gagwe a bo a golola poo ya gagwe, mme a tsaya tlhobolo ya gagwe a bo a ya go lwela se a neng a itse gore e ne e le kgololesego.) Mme letsatsi le le latelang, ke a dumela e ne e le, diphatlha di le nnê kgotsa di le tlhano tsa marumo (marumo a kgobelang) a ne a fetile mo gare ga baki ya gagwe le hutshe mme a sek a ba a mo ama.

<sup>43</sup> Banna ba Modimo, ba ba neng ba simolola setshaba sena, banna ba batona! Ga e kgane ba ne ba kwala:

A lefatshe la rona le phatsime ga lee  
Ka lesedi le le boitshepo la kgololesego;  
Re sireletse ka thata ya Gago,  
Modimo yo mogolo, Kgosi ya rona!

<sup>44</sup> Bogologotswana, ke ne ka bua le monna mogolo golo ko Corydon, Indiana. O ne a mpolelela ka ga fa palamente e ne e le ko Corydon, le ka fa ene . . . ne a bua ka ga ka fa a neng a tsamaya ka kgothokgotho ya dikgomo a fologela go utlwa mo—molaodi a bua. Mme ene le molaodi e ne e le bobedi bo le nosi jo bo neng bo na le para, sutu, ba e apere. Ne a re o ne a ruile dinku a bo a di beola, mme a tlhatswa boboa jwa tsone, bokgaitsadie ba ne ba e loga ba bo ba mo direla baki go tsamaelana le borokgwe jwa gagwe. Mme mogoma yo o godileng a ntse foo, ka nako eo a ne a ka nna dingwaga di le masome a ferabobedi le botlhano kgotsa masome a ferabongwe, ne a goga ditedu tsa gagwe *jalo*, mme o ne a re, “Billy, eo ke nako e ‘Amerikee’ e neng e le ‘Amerikee.’”

<sup>45</sup> Ke ne ka lebelela mogoma yo o godileng, mme ke ne ka akanya, “Thaka, wena . . . bontsi jwa ba babotlana bana ga ba tle go go dumela, fela o bua boammaaruri.”

<sup>46</sup> Iseraele e diragaletswe ke eng morago ga motheo otlhe ona o o bomodimo? Ba ne ba simolola go nna ba ba sa tshwenyegeng. Ba ne ba simolola go tsena mo lefelong fa bone, sentle, ba ne ba sa kgathale gore go ne go diragala eng. Ba ne ba simolola itsapa mo kobamelong ya bone mo Modimong, le ntswa ba ne ba tshwere setshwano sa bodumedi fela jaaka re na najo. Ba ne ba na le setshwano sa poifoModimo. Fela ba ne ba simolola go gololesega le batho ba bone, mme—mme ba ne ba simolola go tlisa meikeolo e e farologaneng mo kerekeng ya bone. Kobamelo ya ga Bobaale e ne ya simolola go kukunela mo teng, mme Iseraele e ne ya nna e e pekiswang ke menate, ba tagwa, le dilo tse di ntseng jaaka tseo, mme kgabagare ba tsenya moeteledipele yo o neng a sa itse Modimo; Ahabe, yo o neng a tlhatlhama rraagwe. Mme rraagwe e ne e le monna yo o senang poifoModimo, monna wa mohumi, fela e le monna yo o senang poifoModimo. Mme o ne a dira maleo otlhe, go gaisa mongwe le mongwe yo ko pele ga gagwe a kileng a a dira. Fela Iseraele, mo tshereanong ya bone ya botagwa, ba ne ba tsenya monna yo o ntseng jalo, mme ba mo

tsenya mo teroneng go nna molaodi mo godimo ga bone. Ba ne ba gopotse gore go ne go siame, fela jaaka bontsi jwa Maamerika bo dira gompieno, “Ene ke lepolotiki le le siameng, jalo he go dira pharologanyo efeng? Ga go tle go dira pharologanyo epe, ka gore ene ke lepolotiki le le siameng.”

<sup>47</sup> Bontsi jwa Maamerika, ba le bantsi thata ba bone, ba rekitse botsalwapele jwa bone, jaaka Moamerika, mme ba re, “Go dira pharologanyo efeng, fa fela o bona didolara di le mmalwa go feta go tswa mo pusong mme o tshela?” Ba ineetse mo mpeng, le mo dikgathiegong tse di bosula le keletso e e tseneletseng ya lefatshe le le boleo, mme ba lebala sone selo se re neng ra se kotamela ko Plymouth Rock. Ba ne ba lebala boswa jwa rona, mme ba tsamaya ba bo ba inela mo digopeng tse di iteilweng ke monate. Jaaka go ne go ntse mo metlheng ya Iseraele, go ntse go le jalo, Amerika e tsere tsela e e tshwanang eo, gone go fologeleta tsela e e tshwanang, monate!

<sup>48</sup> Morago ga sebaka, puso e ne ya letlelela boleo: “Fa fela le ne le na le sinagoge, go dira pharologanyo efeng?” Moo ke totatota se Amerika e se dirileng. Mme re simolola go itira makgotla ga mmogo re bo re dira ditlhophanyana, mme go nna boleo go feta, boleo go feta, boleo go feta. Re ka bo re nnile le dithaego tsa mmatota tse re neng ra di tlela fano! Boleo bo ne jwa simolola go kukunela mo dikerekeng fela jaaka bo dirile ka nako ele. Basadi ba ne ba simolola go kgaola moriri wa bone, ba apara diaparo tsa maitsholo a a bosula, ba di kgaola ngwaga le ngwaga ebile . . . Mme banna ba simolola go dira *sena, sele, le se sengwe*, ebile ba tshameka dikarata le go dira metshameko ya bankho mo kerekeng, mme ba le selefatshe fela jaaka ba ne ba ntse ka gone, ba pikiswa ke monate, ditshereano tsa botagwa.

<sup>49</sup> Badiredi ba aloga mo seminaring, mme mobishopo a re, “Rerang, basimane, eng le eng se lo se eletsang. Ka fa ke tshwenyegang ka gone, Madi a ga Jesu Keresete a omeletse dingwaga di le makgolo a le lesome le ferabongwe tse di fetileng.” Go fitlhela kerek e goroga kwa go se nneng sepe fa e se lekgotla, jaaka lekoko. A ko le sekla la lebala tshokologong ena! Ya fetoga jaaka lekoko, lefatshe le ne la simolola go kukunela mo teng, badiredi ba ne ba simolola go tsenya dilo mo dipharagobeng fela jaaka ba dirile mo metlheng ya ga Ahabe. Ba le boleo, ba bodile go tsenelela kwa moding, le go tswelela le go tswelela go ne ga ya ka mašetla fela jaaka go ne go ka kgona go dira.

<sup>50</sup> Le ntswa Modimo a ne a ba romelela moporofeti morago ga moporofeti, le ka mautlwelo botlhoko a a nana O ne a rapela batho, mme ba ne ba Go hularela ka mekwatla ya bone. Ba ne ba batla tsela ya bone, e ne e le Baiseraele, ba ne ba gololesegile, e ne e le setšhaba se setona, borraabomogolo ba ne ba dirile *senna-ne* (Dafita le Solomone), ba ne ba kgona go dira se ba neng ba se ratile. Fela selo se se tshwanang se re itheileng mo go sone, totatota; se Washington, borraaronamogolo, le se ba neng ba se

emela. Fela, mokaulengwe, re katogile sedikadike sa dimmaele mo dilong tseo; dikereke tsa rona di ntse jalo, sedikadike sa dimmaele.

<sup>51</sup> Ya kgale... Kereke ya Mmethodisti gompeino, go tshwantshanya le se kereke ya Mmethodisti e neng e tlwaetse go nna sone! Se ya Pentekoste e leng sone gompieno, le se e kileng e ne e le sone! Se Baptisti e leng sone gompieno, go tshwantshanya le se e kileng e ne e le sone! Fa re ne re na le nako go boela ko morago re bo re bua ka ga John Smith le ba le bantsi ba batokafatsi bao ba pele. John Smith ne a re, pele ga a ne a swa, ne a re, "Selo se se boitshegang ke gore basadi ba Mamethodisti ba simolola go rwala mehitshana ya gouta mo menwaneng ya bone." Methodisti! O ne a tlaa reng gompieno go ba bona ka moriri wa bone o kgaotswe, le pente gotlhe mo sefatlhengong sa bone, ba apere marokgwe a makhutshwane? Ke ka ntlha ya boleo!

<sup>52</sup> Modimo o dirile eng mo Amerika? O rometse tsosoloso morago ga tsosoloso, tsosoloso morago ga tsosoloso. Badiredi ba rerile Lefoko, ba lekile go biletsha batho morago ko Modimong. Mme ba ne ba dira eng? Selo se se tshwanang se Iseraele e se dirileng, ba Le ganne! Ba ne ba sotla ka bone! Ba ba bitsa "dibidikami tse di boitshepo"! Ba ba latlhela mo kgolegelong!

<sup>53</sup> Fa mongwe wa bokgaitsadiake le mongwe wa bakaulengwe ba me, go tswa mo kerekeng ena gompieno, a ka bo a ne a eme ko hoteleng ele bosigo jo bo fetileng ba bo ba tsholetsa diatla tsa bone ebile ba baka Modimo ba bo ba thela loshalaba mo phaposing eo, ba ka bo ba ne ba le mo kgolegelong gompieno ka ntlha ya gone. Fela segopa se se tagilweng, se se tshereaneng sa "dibidikami tse di itshekologileng" tsa diramatla se kgona go ema golo koo se bo se goa bosigo jotlhe; mme ba tagilwe, ebile ba hutse ba bo ba apole diaparo tsa bone tsa basadi ba bone ba bo ba tswelela, mme ba wele mo bodilong ba bo ba goa bosigo jotlhe go tswelela, mme ebile ga ba kake ba bua lefoko ka ga gone. Ga e kgane re hutsegile mo tlase ga seatla sa Modimo!

<sup>54</sup> Lemogang, go tswelela le go tswelela, Modimo o ne a romela badiredi, a diragatsa ditshupo le dikgakgamatso, a rurifatsa Lefoko la Gagwe. Mme se se golo sa selo se, bontsi jwa baruti ba segompieno ba ne ba Le gana mme ba slotlaka ka tsosoloso nngwe le nngwe. Jaaka ba go tweng ke Church of Christ le bone, "Malatsi a metlholo a fetile." Ba leka bojotlhe jwa bone go le kganelia mo masaleleng a mannye ao a Modimo. Jaaka go ne go ntse ko Iseraele, go ntse jalo gompieno. Gantsi, Modimo o tshwanelia go ntsha batho ba Gagwe mo makgotleng ao le makoko, a ba ise ko ntle ko nageng ba le nosi, gore a bue nabo. Mme O ile go nna le masalela, le sekla la tshwenyega ka ga seo. O go dirile ka nako ele, O tlaa dira jaanong. Go tswelela le go tswelela ba ne ba ralala boleo, ba gobua go ralala dilo. Goreng? Boeteledipele jwa bone, ga go sepe go go emisa.

<sup>55</sup> Sentle, ka boammaaruri, ke itse ditshaba di le dintsi tse e leng gore fa ba ka tshwara batho mo mmileng ba apere jaaka re dira mo Amerika, ba tlaa ba tsenya mo kgolegelong. Erile ke ile ko Saint Angelo, ko Roma (jaanong, akanyang ka ga gone, a le ko tlase jaaka yone e ntse ka gone), ba ne ba na le sesupo golo koo, fa mabitleng a ka fa meseleng fa tlase ga lefatse a Saint Angelo, “Go basadi ba Maamerika: ‘Tsweetswee aparang diaparo mme le tlhompheng baswi.’”

<sup>56</sup> Fa go na le sengwe se se go lwatsang, ke go bona segopa sa ba go tweng ke Maamerika ba tsena. Ke ne ke ntse faatshe, ko Lausanne, re ne re akola nama nngwe ya sesuma, letsatsi lengwe, Mokaulengwe Arganbright le nna. Letsatsi le le latelang, re ne ra boela ka gore e ne e le go ja mo go molemo. Ke ne ke kgona go paka metsi koo, ba ne ba sa neele sepe fa e se moweine. Mme ke ne ke tle ke tseye metsi, ke ne ke tshwanetse go itshwarela jeke ya metsi mo tlase ga lebogo le e leng la me, ka nako yotlhe, ka gore ba ne ba ka se go neye metsi fa tafoleng. Fong ke ne ka tsena teng koo, mme sengwe le sengwe se ne se siame go tsamaya “Mmenyana wa Amerika” a tsena ka ntšanyana, e e leswe, e e nko e dikgakgala ya poodle; a a apere mokgaboo o o lekaneng wa ko ten-cent-store *jalo*, le sekarete kgakala ko ntle fa bofelelong *jaana*, ne a dula fatshe foo a iketsisa sengwe se a neng a se sone; mme a baya ntša eo ya poodle mo tafoleng, selo se se leswe, se se makgaphila.

<sup>57</sup> Gone ke...ntša ke selo se se maswe go feta se Modimo a buang ka ga sone. Le e leng ditsabosome ka tsone ga di kake ebile tsa duelwa mo ntlong ya Modimo. “Go tshwana le seaka, ditsabosome tsa seaka,” Baebele e buile. Mme, ntswa go le jalo, ke lona bao. Ba tlaa dirisa thibelo ya tsholo mme ba duele didolara di le sekete, go batlile, ba duelela ntšanyana ya kgale; mme ba e gogegoge ba bo ba e neye lorato la ngwana, gore a kgone go tswela ko ntle bosigo jotlhe, mme o tlaa dirisa thibelo ya tsholo.

<sup>58</sup> Go letile eng fa e se tobekano! Lo ka nna lwa se utlwe lentswe la me gape, fela ke batla le gakologelweng sena: Re kwa bokhutlong!

<sup>59</sup> Foo, re fitlhela se se diragetseng, se se dirileng. Kgabagare, oura *kgolo* e ne ya tla: Ahabe o ne a tlophiwa, mme erile a ne a dira, o ne a nyala Jesebele; mosadi yole wa kgale yo o bodileng yo neng a gogela Iseraele yotlhe mo kobamelong ya medimo ya disetwa. Mme jaaka Iseraele e dirile ka nako ele, goreng, ena... Ba tshwanetse ba ne ba le mo seemong se se kgelogileng, gore le ka nako epe ba lettelele selo se se ntseng jalo se diragale mo setšhabeng sa bone. Melao e dirwa ke batho e direlwa batho, mme re dirile selo se se tshwanang!

<sup>60</sup> Go ne go na le nako fa Amerika e neng e sa tle go nna... ba ne ba itse mo go botoka go na le go lettelela sepepe sa kgale,

seaka sa kgale se se noleng madi a baswelatumelo, se ba bolaya, mme lebaka le ba tshabetseng fano, ka ntlha ya kgololesego, ba ka bo ba sa nna le sepe se se ntseng jalo. Go supa gore re mo seemong se se kgelogileng, setshaba sotlhe, go tlhophya mo go ntseng jalo. Ao, jaaka go itsiwe, jaanong lona...bangwe ba lona Mademokherate ba ba siameng ba ba mokwatla e e tlhamalletseng lo tlaa akanya sena, gore “Ao, sentle, o tlaa—o tlaa dira tlhogo e e siameng sa sepolotiki.” Moo go ka nna ga utlwala go siame mo mabakeng, mo tlhaloganyong ya senama. Fela mo Lefokong la Modimo le tlhaloganyong ya semowa, ga go dire bothhale. Ka tlhomamo ga go dire, didolara di le mmalwa fa godimo le makgetho mangwe kgotsa sengwe se se ntseng jaana se kgaotswe.

<sup>61</sup> Mme re na le nako e e bokete, baanamisa tumelo ba rona ko bodirelong gompieno, ka gore jaanong re tsewa re le setshaba sa Makhatholike. Goreng, go tlhomame, Russia e kaiwa e le sa bokomonisi ka gore ba na le moeteledipele wa mokomonisi. Red China e kaiwa e le sa bokomonisi ka gore ba na le moeteledipele wa lekomonisi. Re kaiwa re le Makhatholike ka ntlha ya e le gore re na le moeteledipele wa Mokhatholike.

<sup>62</sup> Ao, erile Ahabe a ne a le mo setulong sa bogosi... Lo a re, “Ena o mo setulong sa bogosi.” Go ntse jalo, fela Jesebele e ne e le tlhogo fa morago ga setulo seo sa bogosi. E ne e le ene yo o neng a dira boeteledipele. Lebelelang ka fa a tsereng yone melao ya lefatsha e bo a e sokasoka, mme e le ka ntlha ya dipolo tse e leng tsa gagwe le ka ntlha ya bohula, mme a dira gore Ahabe a go dire ka gore o ne a nyetse ke ene. Mme eo ke tsela e go leng ka yone ka moeteledipele wa rona gompieno. Ga ke re ga se motho yo o siameng, fela lebelelang se se fa morago ga gagwe: seaka, sone selo se re tshabetseng fano (go nna Amerika) ka ntlha ya sone; tsone dithaego tse Amerika e agilweng mo go tsone. Rona, ka maitlhophelo a e leng a rona a a gololesegileng, re ne ra tlhophya selo se se ntseng jalo.

<sup>63</sup> Jaanong le a bona goreng lentswe la me le ileng go emisiwa mo bogautshwaneng thata. Fela mongwe o ile go itse! Ee! Goreng? Tshenolo 2:20, o ne a ipitsa “moporofeti wa sesadi.” Le eleng tlhoko fela lekhubu la boleo le diragala jaanong. Le eleng tlhoko legare le ya kgakala ko legareng. Le eleng tlhoko tsa segompieno, le eleng tlhoko dilo tse di seng tsa poifoModimo di diragala mo dikerekeng. “Mme, kgabagare, go tlaa tla pogiso,” Baebele e bua jalo, MORENA O BUA JAANA! Go tlhomame, go tlaa nna jalo.

<sup>64</sup> Ka nako eo go ile go diragala eng? Fela jaaka go dirile ka nako eo, go tlaa nna jalo jaanong. Mosadi ne e le thata fa morago ga gone, mosadi e ne e le ene yo o neng a go laola. Balang kga... ke a dumela ke ya lesome le bosu... go ka nna kgaolo ya bo 17 kgotsa ya bo 18, go bapa le teng foo, le tlaa fitlhela se Jesebele a se dirileng: ka fa a neng a tsaya Ahabe, mme o ne a sa kgone go bua

sepe ka ga gone ka gore e ne e le mosadi wa gagwe. Lebelelang se setshaba se neng se agilwe mo go sone ka nako eo, Moiseraele yo o kgelogileng a na le mosadi wa moheitane (a mo eme nokeng) yo e neng e le moobamedi wa ga Bobaale. Mme o ne a dira eng? O ne kgabagare a dira sengwe le sengwe se nne sa segompieno thata, ebile se le sentle thata, mme batho ba ne ba na nago go le bonolo thata, go fitlhela kereke yotlhe e ne e go rata, bareri le bottlhe. A Elia ga a ka a re, “Morena, ke nna ke le nosi yo o setseng”? Mme jaaka go ne go ntse ka gone ka nako eo, go tsamaelana le gompieno.

<sup>65</sup> Bone bottlhe ba ne ba tshaba go bua sepe fela. A gone fela ga go tshwane le selo se se tshwanang gompieno? Ba ne ba tshaba go bua sengwe. Jalo he re a fitlhela, ba ne fela ba leseleditse, ba le botlhaswa, ba tagwa, ba tswelela pele, ba pekiswa ke menate, le sengwe le sengwe se sele, fela jaaka go ntse gompieno. Jesebele a sokamisa Dikwalo tseo... O ne a dira eng... kgotsa melao eo, jaaka—jaaka Jesebele a tlaa sokamisa. Gakologelwang, Jesebele, o ipitsa “moporofeti wa sesadi,” go laola batho, mme a re ke ene “lentswe le le nosi la Modimo mo lefatsheng.” O tlaa dira gore tlhaloganyo ya senama e dumele seo go tlhomame jaaka lefatshe le ntse ka gone.

<sup>66</sup> “Go tlaa tlaa kobamelo ya mosadi, mo United States, mme yoo e tlaa bo e le Marea.” Ke go bone, masome mararo... 1931. Dilo di le supa di ne tsa diragala. Ke na nago gone fano mo pampiring fano, le nna, go kwadile ka 1931. Ka fa e leng gore ke ne ka re “Tautona yona, Franklin D. Roosevelt, o tlaa baka lefatshe lotlhe, a thusne go go dira, go romela lefatshe ko ntweng.” Ne le ise le tle mo ntweng ka nako eo, mo nakong ya kwelotlase ya itsholelo. Ke ne ka re, “Selo se sengwe,...” Mme mmê, Modemokherate yo o mokwatla o o tlhamalletseng, fa a ne a seka a ntebelela ka mašetla fa ke ne ke bua seo. Ke ne ka re, “Ga ke kgathale fa e le gore e ne e le Moriphabolikhene kgotsa fa e le gore e ne e le Mososhialisti kgotsa le fa e le eng se a leng sone, mona ke MORENA O BUA JAANA.” Mme ke ne ka re, “Go direng sena, ba lettlelala basadi go tlhopha. Me fa ba dira seo, ba dirile sengwe se segolo go feta sa matlhabisa ditlhong se setshaba sena se kileng sa se dira.” Mme ke ne ka re, “Motsingmongwe ba tlaa go duelela.” Mme ba dirile kwa ditlhophong tsena tsa bofelo. Moo ke se se mo tlhophileng, basadi.

<sup>67</sup> Mme lona batho ba ba rategang thata ba makhalate, mo Borwa, ka fa le tlhophileng ka gone! Lo a re, “Ga o na tiro epe go bua seo mo felong ga therelo.” Ao, ee, ke na nayo, ke Lefoko la Modimo! Mme morodi wa—wa ga Abraham Lincoln, ene yo o le golotseng, o ntse ka kwa mo motlobong oo wa ditso mo moseseng wa mosadi, le bo le rekisa botsalopele jwa lona. Tlhajwang ke ditlhong.

<sup>68</sup> Mme lona batho, ka ntlha ya sepolotiki, ka gore le Ledemokherate le le siameng fela, o ne wa tlhophela sengwe se

se ntseng jalo, mme wa rekisa matsalopele a gago a Boamerika le Bokeresete, go a neela sepepe se se re tsamaisang mo setšhabeng sena, se se re dirileng se re neng re leng sone. Le bona ka fa a ntseng a kukunela mo teng ka gone? Motlhofo ka mmatota, go fitlhela jaanong ene a le mo setulong sa bogosi. Go tlhomame! Setulo sa bogosi sa White House.

<sup>69</sup> Elang tlhoko! Go setse... A le ne la bona maloba ka ga dikolo tsa Makhatholike le dikolo tsa Maprotestante? Ba ema nokeng sekolo sa Khatholike fela eseng sa Protestante. Lo a bona? Ao, mokaulengwe! Le eleng tlhoko lekhubu la selo se se tlang jaanong. Lemogang, mme jaaka ba go dirile, lebelelang se se diragetseng. Boleo jotlhe jona bo kokoana. Go fitlhile mo lefelong eibile go tsentse setšhaba mo mohuteng oo wa lefelo la go theekela.

<sup>70</sup> Dingwaga di le mmalwa tse di fetileng, fa ba ne ba na le... Mapentekoste a ne a nna teng la ntsha, go ne ga boloka setšhaba dingwaga di le mmalwa tse di fetileng fa Al Smith a ne a ile emela go tlhophiwa. Amerika e ne e itse botoka ka nako eo. Fela Pentekoste e fetogile selefatshe thata e ne ya tswelela gone mo teng mme ba rekisa ditshwanelo tsa bone jaaka Mokeresete, mo sepolotiking, mme ke sepolotiki se se ko pele ga Baebele. Ijoo!

<sup>71</sup> Jaanong, motsotsa fela, mme le eleng tlhoko fela ka fa mona go tlhagelelang ka gone. Jaanong, re fitlhela se ba se dirileng le dilo tse ba di dirileng, re go bona go tsamaelana fano fela totatota, boleo mo ntlheng nngwe le nngwe. Jesebele o ne a tsena, o ne a lowa batho botlhe. Mme lemogang, kgabagare, o ne a simolola go agela Bobaale matlo a matona a kobamelo. A go ntse jalo? Mme baperesiti ba ga Bobaale ba ne ba tla ka mmetela go tswa gongwe le gongwe go tsena mo lefelong leo, ba bo ba simolola go kgotlela mafatshe ka kobamelo ya ga Bobaale.

<sup>72</sup> Lebang ka fa ba dirileng ka gone, lebang ka fa ba tseneng jaaka mhero mo teng ka gone. Fela dilo tse ba di dirileng, lebelelang fa ba leng teng gompieno. Lebelelang Sekhatholike se kometsa, se kometsa, se kometsa; ba nyalela mo teng, ba senya sena, fela totatota se Daniele a rileng ba tlaa se dira. Tshipi le letsopa ga di tle go kopana, fela ba tswakanya dipeo tsa bone mongwe le yo mongwe, ba senya. Mosetsana mongwe le mongwe wa Moprotestante yo a nyalang mosimane wa Mokhatholike o tshwanetse go godisa bana ba gagwe go nna Makhatholike. Botlhe jalo, ba nyala, ba tswakatswakana, jalo go fitlhela go tla mo lefelong go tsamaya United States yotlhe e tlaa bo e nyeuma diboko gongwe le gongwe.

<sup>73</sup> Re ile go dira eng jaaka baanamisa tumelo, re tswela kong go golola ko Amerika Borwa le gongwe le gongwe mo karolong ya lefatshe, Tommy Osborn le bone, ba leka go ntsha batho bo boheitaneng joo mme ba kgona go supa monwana wa bone gone ko morago gore re tlhophile moeteledipele wa rona, le selo

se se tshwanang. Oho Modimo. Ke eng se—ke eng se se ileng go diragalela lefatshe lena? Go tshwanetse go roromise motho mongwe le mongwe teng fano. Re ile go araba jang? Moanamisa tumelo o ile go reng fa ba re, “Le tla kwano go re golola mo go sena, mme batho ba e leng ba lona ba tsentse selo se se tshwanang mo kantorong ya lona koo, mo setulong sa bogosi”? Re ile jang go... Eng...

<sup>74</sup> Lebang morago mo matlhareng a ditso, bulang ko morago mme le boneng fa gone—fa gone e le gore ke mo go tlhamalletseng ntle le pelaelo, go batlile, go se ka fa molao motheong gore go dirwe. Ba ne ba ka se go dire dingwaga tse di fetileng fela, lo a bona, re rekiseditse sepolotidi ditshwanelo tsa rona tsa Bokeresete, mme ke ka fa diabolo a itogakanyetsang mo teng. Ahabe e ne e se sepe fa e se fela setshwantsho sa tlhogo ya ga Jesebele. Moo ke gotlhe mo mona go tlaa nnang gone, setshwantsho fela sa tlhogo. Ga a tle go go dira ka boene, fela tsamaiso eo fa morago ga gagwe e tlaa mo kgarameletsa kwa go gone. Go jalo totatota! Inote segakolodi, wena Mokeresete. Itsose, go thari go na le jaaka o akanya ka gone. Seemo se re leng mo go sone, seemo se ba neng ba le mo go sone, le ka fa ba neng ba iteseletsa gore ba itsape.

<sup>75</sup> Ka fa pelo e kgolo e e ratang ya Modimo e tshwanetseng ya bo e goile ka gone, ebole e lela, jaaka A ne a bona batho ba Gagwe ba baanamisa tumelo. A ba dirile sekai, ditshaba tsotlhe di tla go tswa gongwe le gongwe ka gore Modimo o ne a ba segofaditse, ba ba bona ka bongwefela, mo semoweng, ba direla Modimo. Mme fong go akanya gore O—O ne a eletsa go ba bona ba boela mo leratong la bone la ntla ba bo ba dira se se neng se siame, fela ka nako tsotlhe ba ne ba tsamaela kgakala, le kgakala, le kgakala, go fitlhela kgabagre Jesebele a tsena mo teng. Moo ke totatota se re se dirileng. Re tseelegela kgakala ga dithaego tsa ga Keresete. Erile Modimo a ne a romela badiredi ba gagwe go kgabaganya setshaba, ba ne ba rera boitshepo (Pilgrim Holiness, Manasarine, Mapentekoste), “Boelang mo Modimong! Boelang mo Modimong!”

<sup>76</sup> Mme dikereke bogologolo tsa mmatota tse di tlhomameng di ne tsa tshega fela mme tsa sotlaka. Bontsi jwa badumedi bao ba segompieno, goreng, ba ne ba kgala sengwe le sengwe se banna bao ba se dirileng ba bo ba re, “E ne e le sa ga diabolo.” Go ne ga dira eng? Mme kereke e ne ya simolola go go reetsa, bontsi bo ne jwa simolola go go reetsa. Selo sa ntla lo se itseng, “Fa e le gore mosadi wa Mokhatholike o kgona go apara mohuta wa dilo tsena, Moprotestante a ka kgona le ene. Fa e le gore kereke ya Khatholike e kgona go dira *sena*, ya Protestante e ka kgona le yone. Fong fa Methodisti e kgona, ga tweng ka ga Baptisti? Fong fa Baptisti e kgona, ga tweng ka ga Mapentekoste?”

<sup>77</sup> Lo a bona, seo ke se ditsamaiso tse di dirilweng ke motho di le tlisang mo go sone. Aleluya! Moo ke nnete. Moo ke lebaka

le ke leng kgatlhanong le gone, ka gore Lefoko la Modimo le kgatlhanong le gone. Ditsamaiso tse di dirilweng ke motho: Modimo o kgatlhanong nago, Lefoko la Gagwe le kgatlhanong nago, baporofeti ba Gagwe ba tlaa nna kgatlhanong nago, Batlhanka ba Gagwe ba nneta ba tlaa nna kgatlhanong nago, botlhe ba ba tsetsweng ke Mowa wa Modimo ba tlaa nna kgatlhanong le gone.

<sup>78</sup> Lebelelang ka fa Israele e neng ya nna ka teng, ka fa ba neng ba kokobala le koketsego ya lekhubu, go fitlhela kgabagare Jesebele a tla. Lebelelang ka fa Amerika e nnileng ka gone, mme ya kokobala le koketsego ya lekhubu la lefatshe, go fitlhela kwa bofelong Jesebele a ne a tsere setulo sa bogosi. Go ntse jalo. Jaanong, Jesebele tota o ne a se mo setulong sa bogosi sa Egepeto...kgotsa, setulo sa bogosi sa Israele, fela o ne a le tlhogo ya konokono fa morago ga setulo sa bogosi. Mme tatelano ya Khatholike ga e mo setulong sa bogosi sa United States, fela yone ke tsamaiso fa morago ga yone ka gore o nyetswe ke yone. Mme Baebele e rile, mo lefatsheng lena, ba tlaa dira “setshwantsho se se tshwantshitsweng le sebatana.”

<sup>79</sup> Ao, mokaulengwe, kgaitsadi, bothata ke eng? Sentle, ke—ke itse se e leng sone. Baebele e rile ba tlaa nna le paka ena ya Laodikea, mme foo ke fa re leng gone. Lo ka nna lwa ntlhowa jaanong, fela letsatsi lengwe ga le tle go dira fa le lemoga se e leng Boammaaruri. O ka tswa o sa dumalane wa bo o emeleta mme o tswele ko ntle ga kago, moo fela go supa go tlhoka thutego ga gago. Fela letsatsi lengwe o tlaa lemoga, letsatsi lengwe o tlaa eletsa mme o itse gore ke Boammaaruri! Ke Go bua ka Leina la Morena! Ke ipaya go nna sekota, mo e leng gore kgabagare go tlaa nkgoromeleta ko lebitleng. Ke ile go nna mosupi go fitlhela ke swa, fa Modimo a tlaa nthusa. Go ntse jalo.

<sup>80</sup> Ke rona bana mo seemong sena se re leng mo go sone gompieno, gotlhe ga gone go diragala jalo. Ko Israele, ka fa Ahabe a dirileng ka gone, setshwano sa tlhogo ya ga Jesebele ka gore o n...o ne a nyalane nae. Amerika, moeteledipele wa rona, go diretse jang...Lo itse gore moeteledipele wa rona e ne e le monna wa mohumi? Ke ba le kae ba ba itseng seo? Mohumi wa dinaledinaledi. Mongwe o mpoleletse, mo makasineng kgotsa seromamoweng sengwe kgotsa thelebishineng kgotsa sengweng, Jack Benny kgotsa mongwe o dirile...Ernie Ford, ke a dumela e ne e le ene. Mongwe o ne a bua gore “Rraagwe o mo thusitse go bona ditsha tse pedi tse a neng a se mong wa tsone.” O tloga fela a nna mong wa gotlhe ga gone. O go bone jang? Madi ao a tlide jang? Ka thekalano ya whisiki, le nnotagi. Leo ke lebaka le a fokoditseng makgetho mo whisikeng le dilwaneng. Seo ke se se mo dirileng monna wa mohumi. Sone selo se se hutsitseng setshaba sa rona, sone selo se se bodisitseng dithhaloganyo tsa batho ba rona, selo se se rometseng basimane ba rona go nna

matagwa, le basetsana ba rona go nna dipepe, madi a a tswang mo go seo a mo dirile monna wa mohumi.

<sup>81</sup> Selo se se tshwanang, tsamaiso ele ya kgale ya ga Jesebele, sone selo se se bogisitseng batho ba rona, selo se se tshwanang se se ba gogetseng ko ntle (mo Boromeng) mme sa ba tshuba sa ba sa ba fatoganya eibile sa ba dira sengwe le sengwe, madi a a tshwanang a baswelatumelo (Baebele ya rialo) a mo go ene! Ke bone bao, ba nyalane ga mmogo. Mme rona Maamerika re theekela gone go tswelela, “Ao, sentle, re na le didolara di le mmalwa fa godimo mme re na le nako e ntle. Re itsholetse go na le ditshaba tse dingwe.” Fela, mokaulengwe, o lete fela motsotso.

<sup>82</sup> A re go tseyeng tlhaka ka tlhaka jaanong, ka metsotsos e le mmalwa e e latelang, re boneng se se diragetseng.

<sup>83</sup> Bareri ba ne ba itatlhela gone mo teng, ba ineela fela le bone, ba tswelela gone le bone, tsamaiso yotlhe. Tsamaiso yotlhe ya Israele e ne ya tswelela gone ga mmogo le Jesebele. Ba ne ba na le sethwano, ee. Mme a Baebele ga e re bolelele gore mo metlheng ena ya bofelo re tlaa nna le “sethwano sa poifoModimo”? Diporofeto tsotlhe di diragaditswe, mokaulengwe, re kwa bokhutlong! Mo setshabeng, re kwa bokhutlong! Mo semoweng, re kwa bokhutlong! Tsamaiso nngwe le nngwe e kwa bokhutlong jwa yone! Selo se se latelang ke go tla ga Morena le phetogo ya Kereke.

<sup>84</sup> Modimo o rometse sesupo sengwe le sengwe, kgakgamatsso, dirile sengwe le sengwe se A kgonneng go se dira, a leka go goga batho, mme ka nako tsotlhe ba ne ba tswelela gone ko pele mo teng. Lebelelang toropo ena fano. Lebelelang lefatshe lena fano, ka masome a makgolo le makgolo a batho ba Mapentekoste; mme ka ntliha ya go ema mo Boammaaruring, ba ko kae tshokologong eno? Ka gore mongwe o ba boleletse gore ba sekba dirisanya le bokopano. Wena o tlhomolang pelo, wa ka bomo... Modimo a go utlwele botlhoko, ke selo se le nosi se nka se buang. Fa lona Bakeresete le sa tlholeng le na le lerapo la mokokotlo go feta seo, le na le lerapo la keletso mo boemong jwa lerapo la mokokotlo. Ke gone! Se re se tlhokang ke go “rera Efangedi e na le meno mo go yone,” e e tlaa kgabetlelang selo se go nna ditokitoki. Re tsamaile fela jaaka botlhe ba bone, ke gone o ipotse gore goreng re goeleta ka ga gone. Fong, lo a bona, o bona “kamogelo e e mabifi.” Ke a go solefela, ke tshwanetse.

<sup>85</sup> Gothe mona go ne ga tswelela ko pele mo Israaeleng. Kgabagare, letsatsi lengwe, ne ga tla a gataka go tswa ko bogareng ga naga, ne ga tla mogoma yo o godileng yo o lebegang a le mariri, Elia wa Mothishibe. Ga a ise a ke a tswe mo go lepe la makgotla, o ne a tswa ko bogareng ga naga! O ne a sena sepe se se amanang le one. E ne e le moporofeti wa Morena. Mokaulengwe, o ne a tshikinya bogosi joo jwa ga Jesebele ka ntliha ya sengwe le sengwe se se neng se le mo go jone. Ba ne ba mo ila. O ne a sena

tirisanyo mmogo, ke tlaa le netefaletsa seo. Baebele ya re o ne a se nne nayo. Go tlhomame. O ne a dira gore bo Jesebele bao ba ba ipentileng sefatlhego “ba šwe,” ke a gopola. O ne a tsepa selepe mo moding wa setlhare jaaka Johane a dirile, diphatsa di wela kae le kae kwa di neng di eletsa go dira, fela o ne a se tsepa teng foo. O ne a tshikinya setšhaba, a supa gore ba ne ba fositse, mme a leka go ba busetsa ko Modimong wa boamaaruri yo o tshelang, le go boela ko Lefokong la Gagwe mo boemong jwa kobamelo ya ga Jesebele.

<sup>86</sup> Ba ne ba dira eng? A ba ne ba mo amogela? Ba ne ba mo tlhowa! Fela Lefoko la gagwe le ne la tswela pele go tshwana fela, ka gore o ne a na le MORENA O BUA JAANA! Modimo o ne a bereka nae, mme a supa gore e ne e le moporofeti yo o tloditsweng ka dilo tse a di buileng di diragala. Mme gotlhe mo a go dirileng go ne go supa gore e ne e le moporofeti wa Modimo. Fela le fa go ntse jalo ba ne ba sa rate go Go dumela, ka gore o ne a kgagolaka matlo a bone a botshamekelo. O ne a bolelela gore ba ne ba fositse. Ahabe e ne e le seramatla. Ke nnete! Mme lo a lemoga ba ne ba sa mo dumele, fela o ne a Le rera go tshwana fela. Ga go ope wa bareri yo o neng a dumalana nae, o ne a re, “Ke nna ke le nosi yo o setseng, Morena. Ba lebeleleng, ga ba tle le e leng go . . . ope, ga go ope yo o tlaa dirisanyang mmogo.” Fela o ne a na le thomo go e dira mme o ne a e dira. O ne a na le Lefoko la Morena, MORENA O BUA JAANA! Mme o ne a tlhasela setšhaba, o ne a tlhasela kereke, o ne a tlhasela sengwe le sengwe se se neng se le teng, mme Modimo o ne a na nae!

<sup>87</sup> Re sololeditswe, mo metlheng ya bofelo, gore o tlaa boela mo lefatsheng lena le lone. Ke a itse, Jesu, erile . . . Mattheo 17, erile ba ne ba Mmotsa, “Goreng bakwadi ba re, ‘Eliase . . .’?”

<sup>88</sup> Elang tlhoko se A se buileng, “Eliase ruri o tshwanetse a tle pele,” mo go fetileng, ga pe . . . mo pakeng e e tlang. Fela ka nako eo O ne a neela Johane e le sekai. Johane e ne e se Malaki 4. Johane e ne e le Malaki 3, “Bonang, Ke roma morongwa mo pele ga Me, go bakanya tsela.”

<sup>89</sup> Malaki 4, O ne a re, “Pela ga motlha o mogolo le o o boitshegang wa Morena o tla, mogang lefatshe lotlhe le tlaa fisiwang jaaka dirine; pele ga motlha oo, Ke tlaa romela Elia.”

<sup>90</sup> Mme e ne e se Johane, ka gore Morena ga a ise a fise lefatshe fa Johane a ne a tlide. Mme fa le lemoga, le mo kgaolong ya bofelo, mo temaneng ya bofelo, O ne a re, “Mme o . . .” (elang tlhoko: *ene a bua*) “. . . tla sokollela dipelo tsa borara ko baneng, *le* dipelo tsa bana ko borara.”

<sup>91</sup> Jaanong elang tlhoko! Johane wa ntlha o ne a tla, Elia wa ntlha, o ne a dira eng? O ne a tla mme a tlisa Molaeatsa mme a sokollela dipelo tse di kgwaraletseng tsa maothodokse ba kgale ko tumelong ya kereke e nnye, bana. Fela fa Elia yo o latelang a tla, mo nakong ya bokhutlo, o tshwanetse go boela

ko morago mme a tseye di—dipelo tsa borara . . . dipelo tsa bana, ke raya moo, mme a di sokollele ko Tumelong ya borara ba mapentekoste. Le bona pharologanyo? Ga a tle go nna mongwe wa *ba go tweng ke bone* bana fano ba re nang nabo, o tlaa boela gone ko go Ditiro 2 mme a simolole gone go tloga foo. O tlaa rera Efangedi e e sa pekwang, a bue fela dilo tse di tshwanang tse Petoro a di dirileng ka Letsatsi la Pentekoste, ka gore se a se buileng ka Pentekoste se rurifaditse Dikwalo tsotlhe go ralala. Ga a tle go tikatika le lekgotla lengwe, fa Elia a tla. O tlaa ila basadi jaaka Elia a dirile, fela jaaka . . . kgotsa basadi ba ba bosula, fela jaaka Johane a dirile. O tlaa bo e le morati wa bogare ga naga fela jaaka ba ne ba ntse ka gone. Ga a tle go rekegela. Re mo sololetse gore a tle. O tlaa tla! Modimo o rile o tlaa dira, mme o tlaa nna fano!

<sup>92</sup> Ke a dumela, fa go le sepe, Molaetsa o re nang nao gompieno o tlaa etelela pele go tla mo go golo moo ga gagwe. Ee, rra! O mo tseleng ya gagwe, o setse a setswe. Jaaka Elia a ne a ntse ka gone, mme a tswe a suthuga mo bogareng ga naga, golo gongwe o tlaa ikitsise. O tlaa rera Ditiro 2. O tlaa busetsa Tumelo ya borara bana ba Mapentekoste a kgale gone ko tu . . . tumelong ya bana ba ba Mapentekoste, gone morago ko Tumelong ya borara ba Mapentekoste. O tlaa boela gone ko morago, morago ko go Ditiro 2, Ditiro 2:38, le gotlhe go tsenelela ko tlase. O tlaa tlisa Efangedi tota, e e sa pekwang. Ga a tle go nna le sepe se se amanang le Jesebele le tsamaiso ya gagwe. O tlaa bo e le motlhanka wa Modimo. Go tlhomame o tlaa dira! Baebele e rile o tlaa tla. O tlaa porofeta a bo a phantshe Molaetsa wa gagwe mo pele ga bo Jesebele bana, fela totatota jaaka Elia a dirile ko tshimologong mo go Israele. Ba tlaa mo ila! Ga ba tle go dirisanya nae. Nnyaya, nnyaya. O tlaa tla! Modimo o go sololeditse, mme o tlaa emeleta mo ponalong. O tlaa—o tlaa rerela Kereke e e Itshenketsweng E rile o tlaa dira, a tshikinya Baitshenkedwi bao, a tlhotlhora bosenama mo go bone, le-lefatshe le dilo, a le tlhotlhorela faatshe, a le bidisetsa ko tlase, a tshwaraganya Kereke ga mmogo, batho.

<sup>93</sup> Ke a itse lo a re, “Moo ke lekoko la me.” Mokaulengwe, o fositse! Johane o tlie e le tsamaiso ya monna a le mongwe go itsise Monna a le Mongwe: Jesu Keresete. Mme Elia ga e tle go nna tsamaiso, e tlaa bo e le monna, Jesu o buile jalo. E tlaa bo e le monna a le mongwe yo o tloditsweng ke Mowa o o Boitshepo. Mme ga a tle go itsise medimo epe e meraro kgotsa menê, o tlaa itsise a le Mongwe: Morena Jesu Keresete, ka gore Molaetsa wa gagwe o tlaa tshikinyetsa bana ba Mapentekoste go boela ko Tumelong ya borara gape.

<sup>94</sup> O gakologelwe, mokaulengwe, fa ke bua dilo tsena go nna bosula, ke tlhoka go bo ke le fa aletareng. Ke a le bolelela, “MORENA O BUA JAANA!” Fa Modimo a sa rurifatsa gore ke le boleletse Boammaaruri, go dikologa setshaba, go dikologa

lefatshe, ke gone mpoleleleng fa phoso e neng e le gone. Ke le bolelela Boammaaruri! Boelang mo Modimong, ka bonako! Tswayang mo ditsamaisong tsena, ka gore Baebele e rile mo Bukeng ya Tshenolo, gore tatelano ya Khatholike ya Roma e ne e le “seaka,” mme e ne e le “mmaagwe diaka.” Moo ke eng? Dikereke, ditsamaiso.

<sup>95</sup> Mme ke kae ko kereke ya Methodisti, ke kae ko kereke ya Lutere, e tswang gone? Ke kae kwa Methodisti, kae kwa Baptisti, kae kwa makgotla otlhe a neng a tswa gone? Modimo ga a ise a dire kereke lekgotla. Kereke ya Khatholike e rile ba simologa ko morago kwa, “Jesu o ne a dira kereke lekgotla.” Ke batla—ke batla tsebe mo ditsong, kgotsa tsebe mo Baebeleng. Ga go ise go nne le lekgotla ka dingwaga di le makgolo mararo le borataro morago ga loso la moapostolo wa bofelo, ba ne ba tloga ba bopa Lekgotla la Nishia mme ba dira lekgotla. Mme erile Lutere a tswa . . . e ne e le monna yo motona wa Modimo, fela ka bonako fa a sena go tloga, setlhophanyana seo se ne sa ya kong sa bo se dira lekgotla le lengwe. Fong Mowa o o Boitshepo o ne wa tswela ko ntle mo go John Wesley, ga a ise a dire sepe lekgotla, fela morago ga a sena go tloga fong ba ne ba dira lekgotla. Ka nako eo Mowa o o Boitshepo o ne wa tsena le Mapentekoste, mme ba ne ba tswa mo Methodisti. Mme go ne ga diragala eng? Fong *ba* ne ba dira lekgotla.

<sup>96</sup> Fela go tlaa nna le tsamaiso ya monna a le mongwe a tlhagelelang ka thata le tlotsa ya ga Elia, go diragatsa seporofeto. Haleluya! O tlaa e tshikinya. Mme, gakologelwang, o ne a ba porofetela, a bo a porofeta, a bo a ba bolelela dilo tsotlhe, mme Modimo o ne a bereka le ene. Fela Molaetsa wa gagwe wa bofelo o ne wa tlhaselwa mo White House. Uh-huh. Erile Johane a tla, Molaetsa wa gagwe wa bofelo o ne wa tlhaselwa ko White House ya motlha oo. Molaetsa wa ga Elia wa bofelo, erile a fologeleta ka tsela eo mosong oo morago ga ena a ne a le mo Bolengtengeng jwa Modimo golo koo, ne a fologeleta mo tseleng eo ka meriri ya bogologolo gongwe le gongwe mo go ene, tlhogo ya gagwe e e lefatla e phatsima, ditedu di phaphasela, matlhonyana ao, a kgale a ne a phatsima ka kgalalelo ya Modimo. Thobane eo mo seatleng sa gagwe, mme dinao tsa gagwe di tsepame fela jaaka di ne di kgona go nna ka gone. O dira eng? A fologeleta gone go tswa mo Samarea go tsena kwa go leng teng White House, mme a re, “MORENA O BUA JAANA!” A sa tshabe sepe. Dikereke di ne di mo ganne, batho ba ne ba mo ganne, jalo he jaanong ntsha tlhaselo ya bofelo, mo White House.

<sup>97</sup> Fong go ne ga diragala eng morago ga seo? Reetsang! Morago ga tlhaselo eo, lenseswe la gagwe le ne la didimala, ga go ope yo o neng a tlhola a mo utlwa. Modimo o ne a mmitsa a mo tlosa mo ponalong, ne a re, “Elia, o feditse go itsise Molaetsa wa gago mo go botlhe ba Iseraele, ba a O itse. Jaanong tlhatlogela kwano mo bogareng ga naga, tloga mo go bone, itemolole ka gore Ke

ile go dira sengwe. Ke ile go ba supegetsa se e leng sone go gana Molaetsa wa Me.” Go ne ga tsena eng? Ntwa, leuba, lešekedi.

<sup>98</sup> MOWA O O BOITSHEPO O BUA JAANA, “Elang tlhoko se se tlang! Elang tlhoko se se ileng go latela! Go ne ga nna leuba, go *tlaa nna leuba!*” Ao, gongwe eseng la senkgwe, fela la go utlwa Lefoko la Modimo le Boammaaruri jwa Gagwe. Dikereke tsotlhé di tlaa tsalana mmogo mme di tswelele gone go tsena mo go gone go tshwana fela, fela jaaka ba setse ba komeditswe ke gone.

<sup>99</sup> Elia o ne a dira eng? O ne a bona motswedi o o fitlhegileng, kgakala ko godimo mo thabeng kwa a neng a bona Metsi mangwe a Botshelo, Ditshenolo tse di boitshepo go tswa Modimong jaaka a ne a dutse ko godimo koo mo tlase ga thata ya Modimo. Ditshenolo e neng e le motswedinyana o o fitlhegileng, fa botlhé ba bangwe ba ne ba santse ba le mo legabeng. Mme Modimo a segofatse batlhanka ba Gagwe (mahukubu ao), a ne a mo tlisetsa sengwe sa go ja nako e a neng a tswile mo bathong. Mme ba ne ba le golo koo ba le mo legabeng la tsosoloso le gotlhe go tswelela. [Fa go sa theipiwang teng mo theiping—Mor.] “Ga re sa tlhola re utlwa ka ga ditsosoloso tsa gagwe kwa... Sepekwa sele sa kgale se kae se se tsamaya tsamayang se phatlakanya makgotla a rona? O ko kae jaanong?” Ba ne ba sa itse. O ne a itshomotse le Modimo, ko nté ko lefelong le le kwa thoko kwa ba neng ba sa utlwe lentswe la gagwe gone. Fong ba ne ba simolola go bona.

<sup>100</sup> Fa Modimo a romela Molaetsa a bo a bolelela batho, mme ba sa O amoge, fong O ntsha motlhanka wa Gagwe a bo a romela dipetso tsa Gagwe: leuba, loso (go bua ka semowa, le mo nameng gape). Le eleng tlhoko kwelotlase ya itshorelo, mokaulengwe. Le akanya gore le bone sengwe, lo leteng fela morago ga sebaka. Ga lo ise le bone sepe. Le akanya gore le swela tsosoloso e e siameng ya semowa, le leteng go fitlhela moragonyana. Le leteng fela, ba eletse ba bo ba lelele go utlwa Lefoko la Modimo. Baebele e buile jalo! “Go tlaa nna le leuba mo metlheng ya bofelo,” go buile moporofeti, “mme eseng la senkgwe le metsi go le nosi, fela la go utlwa Lefoko la Modimo la nnete.” Fela lentswe leo le tlaa bo le didimetse, ko bogareng ga naga golo gongwe, le iphitlhile.

<sup>101</sup> O ne a laola mahukubu, batlhanka ba Gagwe. Segofatsang dinonyane tseo, Batlhanka ba Gagwe, ba ba neng ba tshegetsa lentswe la ga—la ga Elia le tshele ka nako ya gagwe—tomololo ya gagwe mo kerekeng. Mahukubu a ne a mo tlisetsa nama le senkgwe mo mosong, le nama le senkgwe mo maitsiboeng, mme o ne a nwa mo motswedinyaneng fa botlhé ba bangwe golo koo ba ne ba santse ba tshela ba sena dijo dipe tsa semowa le metsi.

<sup>102</sup> Fong letsatsi lengwe, morago ga boleo bo ne bo feditse go dira tshenyo ya jone, mme Modimo ne a tlisitse batho ba Gagwe mo mangoleng a bone... Jesebele ne a tsere sengwe le sengwe, o ne a se phimola gotlhelele, mme o tlaa go dira gape! Moo ke BAEBELE YA MODIMO E E BOITSHEPO E BUA JAANA, “O

tlaa go dira gape." Ene o gone mo setulong sa bogosi jaanong, fa morago ga setshwano fela sa tlhogo; a e tswatswailela kae le kae kwa a go batlang, ga go ope yo o ileng go mo emisa. Go tlhomame, ga go ope yo o ileng go mo emisa jaanong, ka gore se ba neng ba sa kgone go se bona mo ditlhopheng tsa bodumedi ba ne ba se kgaola—ba se kgaola gotlhe mo polotiking, mme foo ba ne ba go dira. Uh-huh, moo ke totatota se ba se dirileng. Mo e leng gore, ga sepolotiki e tlaa bo e le ngalo fela totatota go boela ko letshwaong la sebatana, go tlhomame jaaka ke eme fano, lo a bona, jaaka Baebele e buile.

<sup>103</sup> Ke itse gore re nna thari, ke tlaa itlhaganelia. Ke tshwanetse go tsenya lefoko lena la bofelo mo teng, fa Morena a ka ntetlelela.

<sup>104</sup> Elang tlhoko! Elia o ne a nna ko godimo koo go fitlhela Modimo a mo sutisa. O ne a sena ditsosoloso dipe. O ne a sa rere kgatlhanong le sepe. O ne a ema fela ko godimo koo le Modimo a le nosi, ko ntle ko bogareng ga naga, ka gore e ne e le monna wa naga. O ne a goletse mo bogareng ga naga. Johane le ene o ne a goletse mo nageng.

<sup>105</sup> O ne a tswela ko ntle ko bogareng ga naga a le nosi le Modimo, a tlosiwa mo kerekeng morago ga a sena go neela Molaetsa wa gagwe. Mme kereke e O ganne, e O ganne. Mme kgabagare makgotla a ne a sa rate go dira sepe, jalo he o ne fela a tshwanelia go tswela ko ntle. Modimo o ne a mmitsa go motlosa mo ponalong, a mo isa ko ntle ko nageng, ne a re, "Tlaya golo kwano, ga ba tle go tlholia ba reetsa. Tswelela o tle, ka nako eo ke ile go latlhela katlholo ya Me mo go bone." Ao, ee, o tlaa bo a le fano lengwe la malatsi ana, lo eleng tlhoko.

<sup>106</sup> Ke gone, morago ga malatsi a seporofeto sa gagwe, go ne ga diragala eng? Kereke e ne ya bokalala, poitshego e kgolo ya ga Jesebele, o ne a ba tsenya botlhe mo go ene, a ba kabetsa botlhe. A ba tsenya mo go ene, a aga medimako le sengwe le sengwe se sele.

<sup>107</sup> Fela, letsatsi lengwe, Modimo o ne a mmiletsa ko ntle gape! Ke yona o a tswa. Reetsang ka kelotlhoko jaanong, mme lo sekla lwa ntšhakgalela. Ka re, "MORENA O BUA JAANA!" Erile a tswela ko ntle, Modimo o ne a dira eng? O ne a mo romela ko mosading wa motlhlagadi. O kile a ne a na le tha—thatya monna mo godimo ga tlhogo ya gagwe, fela go ne ga tsaya loso go mo golola gore a kgone go dumela Lefoko la moporofeti. Lo lemoga seo? O ne a na le monna yo o neng a mo kaela ko tseleng ena le tsela ele, mo sengweng sa dikolo golo koo. Fela mo nakong ya leuba le legolo lena, o ne a kabetswe, loso le ne le mo tsere. Mosadi o ne a sa tlhole a gokagane le lekgotla lepe, jalo he o ne a ipaakantse jaanong go utlwa Lefoko la Morena. Mosadi, a raya Kereke; motlhlagadi, yo monna wa gagwe (lekgotla) a neng a sule, mme mosadi ka boene o ne a aknya fela ka bothata gore o ne a tshela. Mme Modimo o ne a re, "Fologela ko go ene jaanong, o tlaa go utlwa, Ke mo laetse."

<sup>108</sup> Ao, re a gopola nako tse dingwe, lona setlhophha se se nnye koo ba lo ikanyegang thata ebole le dira sengwe le sengwe se lo ka se kgongang go nna le bokopano, go leka go supegetsa batho gore dipelo tsa lona di siame mme le batla gore ba siame, le akanya gore lo na le nako e e bokete. Fela, gakologelwang, Modimo o beile leitlho la Gagwe mo go lona! Lo a Mo rata, ke a itse lo a Mo rata, le ka bo le sa nna fano, le ka bo le sa tsenelele selo sepe se se ntsgeng jaana. Modimo o beile leitlho la Gagwe mo go lona. Ee!

<sup>109</sup> Mme erile monna a dira, monna wa gagwe o ne a sule, lekgotla la gagwe le ne le sule, jalo he jaanong o ipaakanyeditse go utlwa Lefoko la moporofeti. Jalo he fa moporofeti a tla ko kgorong a bo a mo kopa me—metsinyana, o ne a ya go a ga. Fong o ne a re, “Ntlisetse thathanyana ya boupi.”

<sup>110</sup> Mme o ne a retologa a bo a re, “Jaaka Morena a tshedile, ga ke na sepe fa e se fela mo go lekaneng.”

<sup>111</sup> Jaanong, go ne go lebega okare o ne a romilwe go tsaya bonnyennyane bope jo mosadi a neng a na najo, fela e ne e le go ka tsela nngwe. Erile a eletsa go aba se a neng a na naso go etleetlsa Lefoko, Modimo o ne a mo jesa. Mme fa o eletsa go neela Mowa ope o o nang nao, Mowa ope o Modimo a go o neileng go etleetlsa Lefoko, ka ntlha eo Modimo o tlaa go tshedisa. Haleluya! Ao, kgalalelo go Modimo! A le a go bona, kereke? Lo sekla la gopola gore ga ke ipone, ga ke jalo. Fela se o nang naso, bonnye bope jo o bo dumelang mo Modimong, tumelo epe e o nang nayo, go beye mo Lefokong, eseng mo lekgotleng! Go tsenye mo Lefokong la Modimo, O tlaa go tsweletsa o tshela.

<sup>112</sup> O ne a ipaakantse ka nako eo, ka gore o ne a sa kgone pele, ka gore ba ne ba sa tle go mo lettelela. Fela jaanong o ipaakantse. A o tlaa go amogela? Modimo o ne a romela moporofeti ntlheng ya gagwe. A o tlaa amogela Lefoko la gagwe? A o tlaa amogela moporofeti yona? Ee, o ne a dira. Mme o ne a mmolelela, ne a re, “Jaanong, botshelonyana bofeng jo o nang najo, bo beye teng fano, bo tlise mo go nna pele.” Mme go ne ga diragala eng? Fa lefatshe lotlhe le ne le topetega ebole le swela mo tlaleng, ene le bana ba gagwe le ba ntlo ya gagwe botlhe ba ne ba ja dijo di le tharo tse di nonofileng ka letsatsi, Tshenolo e e boitshepo mo Lefokong. Ke a solo fela le a go tlhaloganya, ditsala.

<sup>113</sup> Go ne ga diragala eng? O ne a nna foo go fitlhela leuba ne le fedile, a nna le mosadi yona (Kereke ena) e e neng e mo amogetse ebole e dumetse Lefoko la gagwe. Mme o ne a mo tsweletsa a tshela (a tsweletsa Kereke e tshela) ka Lefoko la Morena, ka gore o ne a buile “MORENA O BUA JAANA.”

<sup>114</sup> Jaanong, ga re na nako go ntsha polelo yotlhe, lo a itse, ka fa a neng a tshwanelo go tla ko makgaolakganngeng le Baale. O tlaa go dira, lengwe la malatsi ana, lo sekla la tshwenyega. Mogang a tlhang a gataka go tswa ko bogareng ga naga eo, le eleng tlhoko se se diragalang.

<sup>115</sup> Go ne ga diragala eng? Ka nako eo erile Elia yo o siameng, yo godileng, moporofeti, motlhanka wa nnete wa Modimo, a tla kwa bokhutlong jwa tsela ya gagwe, Modimo o ne a mmolelela, letsatsi lengwe, ne a re, “Elia, o rerile ga leeble mo go lekaneng jaanong. O lwantshitse Jesebele le gotlhé ga pente ya gagwe le sengwe le sengwe go fitlhela o nnile le mo go lekaneng ga gone.” Ne a re, “Fologela ko Jorotane!” Mme ke yona o a tsamaya, ne a goroga golo ko Jorotane. Koo molapo wa kgale o o diretse o fologela kong, metsi a a serame, a a gatsetseng, jaaka motho mongwe le mongwe a tshwanelo go lebagana nago: Jorotane, loso.

<sup>116</sup> Fela erile motlhanka yo mogolo yona wa Modimo a ne a fologela ko Jorotane, le morwae tsamaya nae, morwa wa Efangedi, . . . Ao, ee, e ne e le morwae, “Rra wee, rra wee, dikaraki tsa Iseraele, bapalami ba tsone.” Erile ene le morwae ba ne ba tsamaya ba tshwaragane ka mabogo, ba fologela ko Jorotane, o ne a lebeletse ntataagwe a tsamaya mosong oo.

<sup>117</sup> Erile a goroga golo ko Jorotane, o ne a otollela mo gaufi a bo a tlosa kobo eo ya thata mo magetleng a gagwe, ne a re, “Loso, ga o kake wa ntira sepe.” Mme o ne a itaya Jorotane, “Tlogela koo, ke a kgabaganya mosong ono.” Go ne ga diragala eng? E ne ya katogela ko morago mme ya kgala jaaka boupi. Moporofeti yo o godileng o ne a dira eng? O ne a leble go kgabaganya Jorotane, o ne a itse gore go ne go na le karaki e mo letetse ka koo e na le dipitse. O ne a ya gae, tiro ya gagwe e ne e wetse. Morwa wa gagwe mo Efangeding o ne a tsaya boemo jwa gagwe.

<sup>118</sup> Ke ne ke tla gae maloba go tswa golo ko Bophirima. Mona go tla mo tlhaloganyong ya me. Ke ne ka tshuba seromamowa (ke ne ke tshwanelo go kgweetsa malatsi a le mararo, dimmaele di le makgolo a le mabedi le bonê, ke le nosi). ke ne ka tshuba seromamowa mme nna . . . ke neng ke utlwaa tsa semowa go tswa mo Del Rio, Texas. Go ne ga nna le monna a bua ka ga monna mogolo, wa lekhala, wa lenekero. O ne a ale gaufi le go swa mme o ne a tshwanelo go fologela ko nokeng, o ne a re, “Dimpeetshane tseo tsa gouta tse ke ileng go di rwala, go tsamaya mebileng ya gouta.” Lenekero le le godileng lena o ne a rerile botshelo jotlhé jwa gagwe mme selo se le nosi se a neng a ka akanya ka sone e ne e le kgomotsso, e neng a na nayo, e ne e le katara ya gagwe ya bogologolo e e neng e kaletse mo lemoteng. O ne a nna ko ntle mo dingateng tsa leloba a bo a letsatse difela, a ikhuditse mo bodireding jwa gagwe, ka katara ya kgale. Moo e ne e le tsela e neng a na nayo, go iketla. O ne a re pitse ya kgale e e mogatla sekoti e a neng a tlwaetse go e kgweetsa e tlaa e le golo e na le karaki. Ke ne ke gopotse ka tsone. O ne a re, “Dimpeetshane tseo tsa gouta tse ke ileng go di rwala, go tsamaya mebileng ya gouta.”

<sup>119</sup> Mme erile a fetsa go opela, ke ne ka tima seromamowa. Mme ke ne ke ya koo, ke tshwere seterebere. “Ao, go ntse jalo.

Ke tshwanetse go fologela koo le nna. Ke eng se se kileng sa mpha kgomotso? Ke bona kae kgomotso ya me ko bogareng ga naga?" Ke na le tlhobolonyana, ya kgale e e bitswang... ke tsoma ka yone mo legwetleng la ngwaga. Yone ke .270, mothulo wa 721, Remington. Monna, mokaulengwe, o e nneile, ko California, dingwaga tse di fetileng. Ke tsomile ka yone dingwaga le dingwaga. Ka fa e leng gore... a kgomotso e e ntseng le yone, ka gore ke—ke itse gore ke tlhobolo e e fulang sentle, mme yone ke kgomotso ya me ko bogareng ga naga.

<sup>120</sup> Fong ke ne ka akanya ka ga ponatshegelo ya me. Fa ke ne ke goroga golo koo ke bo ke bona bagaetsho botlhe, ke ne ka utlwa sengwe se kgorotlha, mme ke fa go tla Prince ya me e nnye (pitsenyana ya me e e palangwang) mme ya baya tlhogo ya yone mo legetleng la me. Ke ne ka akanya, "Eya, mongwe wa meso ena ke a fologela le nna, ko Jorotane." Mme .270 ya kgale e ke neng ke tlwaetse go... e kaletse mo lemoteng. Ga ke ise ke e folose fa e sale kgale legwetleng le le fetileng. "Pitsenyana e e palangwang eo e ke neng ke tlwaetse go e palama, Modimo o tlaa dira gore e gokelwe mo karaking ya me, mo mosong oo mogang ke fologelang ko nokeng." E tlaa bo e eme fela go kgabaganya noka foo. Modimo o tlaa e romela, ke e bona moloba bosigo. E tlaa bo e gokeletswe mo karaking ya me, mongwe wa meso ena. Ke tlaa bo ke ile, ke pagamelela go ralala maru.

### A re rapeleng.

<sup>121</sup> Ao, mo thateng eo ya Modimo e ke ileng go e akola jaaka ke tsamaya direpoding tseo tsa gauta! Eya, tlhobolo ya kgale e jaanong e kaletseng mo lemoteng, ga ke tle go nna mosola ope wa yone ka nako eo. Ke a ipotsa, fa karaki ya me e tla le yone, fa pitsenyana ya me e e palangwang e ke e boneng mo ponatshegelong e tlaa bo e gokeletswe mo karaking ya me, mosong oo, e eme golo ko nokeng. Ke a solo fela e ntse jalo. Ke batla go tlhatlosetswa kwa godimo. Ke batla Kereke e tlhatloge jalo le yone, ke batla mongwe le mongwe wa lona.

<sup>122</sup> A o tlaa rata go itse gore o fologela leng ko Jorotane? A o tlaa latlha ditsamaiso tsena tse di senang bomodimo tsa lefatshe lena mme o amoge Jesu Keresete e le Mmoloki wa gago? Fa o se Mokeresete, a o tlaa tsholetsa diatla tsa gago mme o re, "Nthapelele, Mokaulengwe Branham. Mogang ke tlhang ko Jorotane,..."? Modimo a go segofatse. Modimo a go segofatse. "Mogang ke fologelang golo ko Jorotane, Ke batla go tsaya thata ya Mowa o o Boitshepo mo go nna mme ke iteye metsi a a tsididi, ke bo ke tsamaya go kgabaganya."

<sup>123</sup> O ka nna jang mo tlase ga puo e e ntseng jalo, tlotsong ya Mowa o o Boitshepo, mme o itse gore Mowa o o Boitshepo o mpolelela seemo sa gago, o bo o palelwa ke go tsholetsa seatla sa gago? Go supa gore ke nako ya loeto la kwa bogareng ga naga! A go tlaa nna le mongwe pele ga re rapela, yo mongwe? Go na

le ba le babedi ba ba tsholeditseng diatla tsa bone; ba le bararo, Modimo a go segofatse, morwa.

<sup>124</sup> Raetsho wa Legodimo! Boraro; moo go tlaa bo go le molemo, Morena, fa ba—ba le teng koo fela ka letsatsi leo. Ke a rapela gore ba tlaa dira, Morena. Ba tsholeditse diatla tsa bone ka gore ba dumela gore ditsamaiso tsena tsa selefatshe di a swa mme mantswe a Lefoko la Modimo e tlaa bo segautshwaneng e le selo se se bokete go se bona, Modimo o tlaa le tlosa mo kerekeng. Selelo, pitso ya Monyadi segautshwaneng e tlaa tloga mme tsamaiso ya ga Jesebele e tlaa le hupetsa gotlhelele. Fela ba batla go nna le... go tshela ka mots wedi ole o o fitlheleng jaaka Elia a ne a tshwanetse go tshetswa ka nako ya leuba. Modimo, ba neele Mowa o o Boitshepo jaanong, tlatsa dipelo tsa bone ka boipelo le kagiso, mme o beye ditlhologanyo tsa bone mo Lefokong la Modimo gore ba tle ba tshele jaanong le go tloga fano, ka bosaeng kae. Ba segofatse, Rara. Bone ke ba Gago, ka Jesu Keresete Morena wa rona.

Ka ditlhogo tsa rona di obilwe:

<sup>125</sup> Bao ba ba neng ba tsholeditse diatla tsa bone mme ba batla go amogela Keresete, a lo tlaa emeleta fela ka diano tsa lona, motsotsotso fela, fa ke le rapelela ka bongwe ka bongwe? Emelelang fela ka dinao tsa lona.

<sup>126</sup> Ao Modimo, a ke paletswe? Le e leng ba le bararo ba ba neng ba tsholeditse diatla tsa bone, ba senang tumelo go emeleta ka diano tsa bone go amogela sone selo se ba se dirileng. Morena Jesu, ke go neela gotlhe mo diatleng tsa Gago. Ke rerile Lefoko la Gago, mme ga ke a tsenya lepe mo dipharamgobeng. Jaanong ke—ke ba tlogelela ntlo, Rara. O dire eng le eng se se tshwanetse ka tsoopedi kereke le motlhanka wa Gago, gotlhe go mo diatleng tsa Gago.

<sup>127</sup> Rara, ke rapela gore O tlaa boloka ba ba timetseng, tlatsa ba ba dipelo di bolailweng ke tlala ka dilo tse di molemo, naya Botshelo jwa Bosakhutleng mo go bao ba ba nyorilweng, emeletsatla batlhanka ba Gago go bolela Molaetsa phatlalatsta, naya balwetsi le ba ba bogisegang phodiso, Itseele kgalalelo, gonne ke ineela le Lefoko la Gago. Mme mo seatleng sa me, le mo pelong ya me, le mo tlhaloganyong ya me, kwala melao ya Gago, ka Jesu Keresete Morena wa rona. Amen.

Motlhlang ke tlang ko nokeng ko bokhutlong  
jwa letsatsi,

Ga ke batle go opela eo.

Mme go lebega okare ditsala tsa me tsotlhedi;  
Go tlaa bo go le Mongwe yo o tlaa mpontshang

tsela a letile,  
Ga ke tle go tshwanela go kgabaganya Jorotane

ke le nosi.

<sup>128</sup> A o abile dikarata tsa thapelo, Bill? Ke ikutlwa ke sudile pelo. O abile eng gompieno? B? O abile le bo A le bone, a ga wa dira? Go siame, bitsa bo B pele, bongwe go fitlha . . . Karata ya thapelo B, nomore bongwe. Re ile go rapelela bolwetsi jwa gago. B, nomore bongwe, ke mang yo o nang nayo? Karata ya thapelo B, nomore bongwe, mongwe kgakala ko morago ko motsheo. Tlthatlogela kwano, mohumagadi. B, nomore bobedi, tsholetsa seatla sa gago. Mohumagadi yole? Nomore boraro. B, nomore boraro, a o tlaa tsholetsa seatla sa gago tsweetswee, gore ke kgone go bona gore ke kae. Boraro? Nomore bonê, B, nomore bonê. B, nomore botlhano. A o tlaa tsholetsa seatla sa gago tsweetswee? B, nomore botlhano. Monna yole? Go siame, borataro, bosupa, boferabobedi, boferabongwe, lesome, lesome le motso, lesome le bobedi, lesome le boraro, lesome le bonê, lesome le botlhano. Sentle, fano, mpe bo B botlhe ba emelele, le fa go ntse jalo. Fela . . .

Moo . . . [Fa go sa theipiwang teng mo theiping—Mor.] . . . ba ya kuo lefatsheng lotlhe, moanamisa tumelo mongwe le mongwe mo madirelong, kae le kae kwa ba go kgonang.

<sup>129</sup> Dikarata tsotlhe tsa thapelo B emeolang mme le tseyeng manno a lona go ya ka dinomore tsa lona.

Jaanong, tse di latelang e ne e le bo mang? A? Ke mang yo o nang le karata ya thapelo A, bongwe? A, bongwe, yone e kwa kae? Ruri e teng fano. A, bongwe? Di ntse di abilwe ka malatsi a le mabedi, kgotsa mararo jaanong, jalo he ba ka tswa ba seyo fano. Botlhe ba ba bang le karata ya thapelo A, jaanong le tlhomaganeng ka kwano. Yang gone kong bolebana le lemota, ka masisi.

<sup>130</sup> Ke batla go bua le lona lo senang dikarata tsa thapelo, motsotsotso fela pele ga mola o simolola.

<sup>131</sup> Jaanong, ka karata ya gago ya thapelo, e tshwareng mo diatleng tsa lona gore basimane ba kgone go amogela karata ya gago ya thapelo. Le ntse le letile, le tlide go sale nako mo maitseboeng go tsaya karata ya lona ya thapelo, mme le na le tshwanelo go tla mo moleng. Ke le solofeditse, go le rapelela. Jaanong ke tlaa leka go tshegetsa tsholofetso ya me, Modimo a nthusa.

<sup>132</sup> Yoo ke mosimanyana wa gago? Monnanyana yo o kgatlhisang. Tsweetswee intshwareleng. Mosadi yona fano ke setshwantsho se se siameng sa Moamerika wa nnete. Mosimanyana wa gagwe, dioborolonyana le baki e e methaladi. Mosadi wa monana ka moriri o mo leeble, o apara sentle. Modimo a mo segofatse le lelwapa la gagwe, le monna wa gagwe, le ba ratiwang ba gagwe. Yoo ka nnete ke U.S.A. wa mmatota, ka “Bokeresete” go kwadilwe mo godimo ga yone. Mma mafatshe a rona a nne jalo mo ga leeble! Intshwarele, mohumagadi yo monnye, ka ntlha ya go bua seo, fela nna fela ke . . . gore batho ba

kgone go bona se ke akanyang gore se lebega jaaka Mokeresete; ga go na pente, se selwana e leng sone, mohumagadi fela.

<sup>133</sup> Modimo a go segofatse, Mokaulengwe Sullivan.

<sup>134</sup> *Ngaka E Kgolo*, fa lo ratile.

Ngaka e Kgolo jaanong e gaufi,  
Jesu yo o pelothlhomogi.

<sup>135</sup> A le dumela mo go Ene? A le dumela gore Ke Ngaka e Kgolo? Jaanong nnang masisi fela motsotsotso fela. Re na le nakonyana le fa go ntse jalo, ke kgaotse molaetsa fela go le go khutshwanyane. Ke a solo fela le o tlhalogantse, le fa go ntse jalo, se se neng se kaiwa. Dumela fela ka pelo yotlhe ya gago. Fa ba tlhomagana botlhe, mongwe ko morago koo go tlhomaganya batho. Go siame? O reng? Jaanong botlhe ba ba nang le dikarata tsa thapelo ba eme.

<sup>136</sup> A le a dumela ko ntle koo, le lona, le senang dikarata tsa thapelo? Fa o ka nna le tumelo, Modimo o tlaa *go* bitsa. Jaanong, dikarata tsotlhе tsa thapelo mo moleng.

<sup>137</sup> Mosetsana yole yo monnye yo a ntseng ko morago koo, a na le leoto le le sa siamang, fa godimo fano mo go sena. . . . A o dumela gore Modimo o tlaa go siamisa? Fa o dira, nna fela le tumelo mme Modimo o tlaa go go naya.

<sup>138</sup> O akanya gore rraago yo o lwalang o tlaa siama? O a dumela, o ka nna le gone.

<sup>139</sup> Ga tweng ka ga wena golo koo, o rapelelang motlogolo wa gago a nang le seemo sa mafafa? O akanya gore Modimo o tlaa mo fodisa? Mohumagadi, o ntseng golo foo, fa o go dumela, o ka nna le gone.

<sup>140</sup> Lona lotlhe lo ile go dumela?

<sup>141</sup> Jaanong ke batla. . . . Ke ba le kae ba bakaulengwe ba me ba ba leng fano, bareri ba Efangedi, bareri ba Efangedi e e Tletseng kgotsa eng le eng se ba leng sone, ba ba dumelang mo phodisong ya Semodimo? Tsholetsang diatla tsa lona. Ke tlaa rata lo tleng kwano mme le nthuseng go rapelela batho bana, gore batho ba bone gore ga se nna fela yo o rapelelang batho, le a kgona le lona. Tlayang kwano mme le emeng mo seraleng le nna. A lo tlaa dira, bakaulengwe, lona badiredi? Tlayang gone kwano mme le emeng gone go bapa mo seraleng. Moo go go ntle. Ke a leboga, bakaulengwe. Ke a leboga. Tlayang gone ko pele, bakaulengwe, tlayang.

<sup>142</sup> O reng? [Mongwe a re, “A re ka dira mola o o gabedi fano?”—Mor.] Ee, lo ka dira. Dirang mola o o gabedi gone fano, go tlaa bo go siame thata. Moo go go ntle. Jaanong leba ka fa tseleng e nngwe ena, mokaulengwe. Retologa ka tsela ena, ke ile go tlisa batho gone go ralala fano. Jaanong bangwe ba lona potang ka fa letlhakoreng lena la me, gone teng fano, fa lo ratile, emang ka fa letlhakoreng lena. Ke gone.

<sup>143</sup> Jaanong, go bareetsi, le bona banna ba ba siameng thata bana fano? Ke banna ba ba tlaa emang gone fa godimo fano, mme ba emele yone Efangedi ena e ke e rerang. Lo a bona? Ba tla kwano ka gore ba dumela mo go Yone. Jaanong le tshwanetse le nneng motlotlo ka modisa phuthego wa lona yo o tlaa itshupang mo seraleng sena fano, ther e e mašetla, e e loileng. Bana ke banna ba ba nang le tshenolo, ba ba itseng gore... eseng nna ke le kgatlhanong le banna, nako tse dingwe re gokagana mo ditsamaisong tse di re dirang... Ditsamaiso tseo ke se re leng kgatlhanong naso; eseng monna, motlhanka wa Modimo.

<sup>144</sup> Jaanong, fa re ne re nnile le temogo e le ka ntlha ya mongwe le mongwe fano, le akanya gore ke ne ke tlaa nna lebaka le le kae fano? Ke ne ke tlaa wa nako e ke gorogang go ka nna... morago ga go ka nna ba le thataro, tlhano kgotsa thataro, lesome; mo go fetangnyana, gongwe sephatlo, kotara ya mola, ke tlaa bo ke ile, ba ba setseng ba bone ba ne ba ka se tle go rapelelwa. Ga re kake ra dira seo. Mme jaaka go... fela ga lo tshwanele go nna le seo. O itse se e leng bothata jwa gago. O itse se o se dirileng, jaanong ipolele maleo a gago. Fa ope wa lona ko ntle koo o na le tlhase e le nngwe ya pelaelo mo pelong ya gago, e ntshe gone jaanong mme o bolelele Modimo go go itshwarela. Fa o sa lolama le Modimo, bolelela Modimo go go itshwarela. Fa o sa dire, mme o sa lolama le Modimo, ga go tle go go tswela mosola bonnyennyane bo le bongwe go tla o ralala fano. O senya fela nako ya gago. Moo ke nnete. Jaanong, a go ntse jalo, bakaulengwe? [Bakaulengwe ba re, "Amen."—Mor.] Go ntse jalo.

<sup>145</sup> Lebang fano. Mokaulengwe Kidd ke yona o eme fano. Ke ne ka rata go kgagola dithaere tsa koloi ya me go goroga kwa go ene, go ka nna ngwaga kgotsa tse pedi tse di fetileng, go... O ne a swa ka kankere, ne a ile go swa letsatsi leo. Mosadi wa gagwe o ne a mpolelela, ne a re, "Itlhaganele!" Ne a re, "O a swa jaanong." Eriile ke goroga koo, Morena o ne a mo fodisa. Mme ke yona ena o santse a eme. Ke akanya gore o tsentse mmele *mo go kana* le sengwe le sengwe. Lebutswapele la kgale, kwa morago, lo a itse. Yoo ke mohuta wa monna yo ke neng ke bua ka ga ene, dingwaga tse di fetileng, yo o neng a rera; mme a nna gone mo Lefokong leo, mme batho ba ne ba mo tshega. Mme ene le mosadi wa gagwe ba tsamaya mo diporong tsa terena le sengwe le sengwe se sele, le kgakala ko godimo ga dithaba, le meepong ya magala, mme ba lelekiwa, ebile ba latlhelwa mo kgolegelong, le sengwe le sengwe se sele. Yoo ke monna yo o loleng go bona sekgele, yoo ke mohuta.

<sup>146</sup> Jaanong, bakaulengwe, ke le raya ke re, lona kooteng ga le tle go nna le mowa wa temogo. Moo ga go tshwanele go nna jalo, lo a bona, moo—moo ga go tlhokafale. Selo sa ntlha, o monna wa Lefoko. Le botoka thata, bareri mo go fetang go na le se ke leng sone, ka gore nna—nna ga ke moreri mo go ntsi thata. Fela nna... fela lona le—lona le tloditswe, monna ope yo o bileditsweng go rera Efangedi o bileditswe go fodisa balwetsi; ditaolo tsa

kakaretso ke: “Yang ko lefatsheng lotlhe mme le rereleeng setshidi sengwe le sengwe Efangedi. Yo o dumelang a bo a kolobetswa o tla bolokwa. Ditshupo tsena di tlaa latela ba ba dumelang. Fa ba baya diatla tsa bone mo balwetsing,” jalo jalo, “ba tlaa fola.” Fa o bileditswe go nna modiredi, o bileditswe go rapelela balwetsi.

<sup>147</sup> Mme lebaka le ke dirang sena ke gore bareetsi bana . . . gore ba tle ba bone gore ga ba tshwanele go letela motho mongwe yo o faphegileng, Oral Roberts, Tommy Hicks, Tommy Osborn, nna, mongwe yo o kgabolang a tlela tirelo ya phodiso. Ke batla ba boneng gore le banna ba Modimo. Lo a bona? O monna . . . Tshwanelo e ntsi fela go baya diatla mo go ope wa bone jaaka—jaaka nna kgotsa ope o sele. Morago ga tsotlhe, bakaulengwe, lotlhe lo a itse, jaaka—jaaka badiredi, ke tumelo e e leng ya bone mo Modimong e e dirang tiro. A go ntse jalo? Re ba ntshetsa fela thapelo.

<sup>148</sup> Jaanong o a re, “Mokaulengwe Branham, a Mowa wa Mowa o o Boitshepo o foo le wena?” Go tlhomame. Ee, rra!

<sup>149</sup> Jaanong go lona mo baree— . . . mo moleng foo, fa o dumela ka pelo ya gago yotlhe gore Modimo o ile go go fodisa, tsholetsa seatla sa gago, e re, “Ke tlaa go amogela.”

<sup>150</sup> Jaanong, tlaya kwano, mpe yona—mpe mohumagadi yona a tle kwano. Ga ke go itse, ga ke ise ke go bone. Fa Mowa o o Boitshepo o tlaa mpolelela, gore bakaulengwe ba me fano, fa bolengtengeng fano jaana, gore bone bottlhe ba eme fano go ntikologa. Mme eseng moo fela, bakaulengwe ba me ba fano, le Morena wa me o fano. Ke Morena wa bone, le bone. Jaanong, fa A tlaa mpolelela sengwe se se phoso ka wena, eng le eng se se phoso ka wena, o tlaa itse akana ke boammaaruri kgotsa nnyaya. Ke batla bone, ke batla bareetsi, ke batla batho ko ntle koo ba bone gore Mowa o o Boitshepo o fano fa seraleng go neela temogo, fela moo ga go fodise ope. Fela fa A tlaa mpolelela sengwe ka ga wena, se o itseng gore ga ke itse sepe ka ga sone, fela jaaka e ne e le mosadi kwa sedibeng . . . Eseng mohuta o o tshwanang wa kgang, fela ke raya monna le mosadi ba kopana lantlha. Jesu, ka mokgwa mongwe e le monna wa dingwaga tsa fa bogareng, mme mosadi yona kooteng e ne e le mosadi wa moroba gongwe jaaka wena.

<sup>151</sup> Mme fa A tlaa, a ka mpolelela se o se tletseng fano, bothata jwa gago, a o tlaa dumela gore e tlaa tshwanelo go nna Mowa wa Gagwe o o tlaa go dirang? A lona bakaulengwe le dumela seo? Gore Morena Jesu yo o tshwanang o eme fano? Lona bareetsi le dumela selo se se tshwanang? A lona mo moleng wa thapelo le tlaa dumela selo se se tshwanang, mme le itse gore banna bana . . . ? A ke ne ke tlaa ba biletsha fa godimo fano fa ke ne ke akantse gore ba ne ba se . . . ? Morago ga go rera jaana, le go bua dilo tse ke di dirileng, mme ke tlogue ke biletse banna fa godimo fano ba ba neng ba sa tshwanelwe? Ke ne ke sa tle go dira seo.

Ke ne ke tlaa bo ke fenza sone selo se ke neng ke lwa ka ga sone. Lo a bona? Ke dumela mo go bone. Ke dumela gore ke banna ba Modimo.

<sup>152</sup> Jaanong bonang fa e le gore Mowa o o Boitshepo o eme gautshwane. Fela go bua le lona, ke leka... O re, "O dira eng, Mokaulengwe Branham?" Selo se se tshwanang se Jesu a se dirileng le mosadi, ne a re, "Ntlistetse seno," O ne a leka fela go bua nae motsotso, go bona se bothata jwa gagwe e neng e le sone.

<sup>153</sup> Bothata jwa gago ke mafafa, seo ke se o bogang ka sone. Fa go ntse jalo, tsholetsa seatla sa gago. Jaanong, ene go tlhomame ga a lebege gone, a o a dira, bakaulengwe? Ga a dire, fela seo ke se bothata jwa gagwe e leng sone. O ntse a le jalo nako e e telele. O tlhola o tlolaganya maborogo a gago pele ga o goroga kwa go one, le jalo jalo. Moo ke nnete. Ke sebopego sa gago, o bopegile fela ka tsela eo, o le mafafa; o tlhola o akanya gore sengwe se tloga se diragala, ga se diragale. Nako tse dingwe diabolo o go raya a re, "Ga go na sepe mo go Gone, wena fela o kgelogile, o kgabagantse mola." Ga ke bale tlhaloganyo ya gago, fela ke bala se se... Ke itse se a buileng nao ka ga sone, ka gore ke bona se se kgabagantseng tlhaloganyo ya gago.

<sup>154</sup> Jaanong, Jesu o ne a lemoga dikakanyo tsa bone. A go ntse jalo? Sente, moo ke se se diragetseng gone jaanong. A go ntse jalo? Fano, mpe ke go bolelele sengwe, gore o tle o itse. Wena ka nnete o emetse mongwe o sele fano. Go ntse jalo. Ke sone selo, wa bona, o ne o sa kgone go se tlhaloganya go fitlhela nakong ena. Jaanong, fa Morena a tlaa ntshenolela se o se emetseng fano, sa mongwe o sele, a o tlaa ntumela go bo ke le moporofeti wa Gagwe? Ke ga ga mmaago. O a dumela Modimo a ka mpolelela se bothata jwa gagwe e leng sone? Sente, o na le bothata jwa pelo, madi a matona, matlapa a santlhokwe, dithatafatsi. Go ntse jalo, a ga se gone? Lo a bona? Jaanong, moo ke Mowa o o Boitshepo, a ga se gone?

<sup>155</sup> Jaanong, go na le sengwe fano mo go nna le mo bakaulengwe bana. Lo a bona? Sengwe fano jaanong, Mowa o o Boitshepo. Jaanong, le dumeleng; lona, jaaka re feta go ralala mola.

A rotlhe re obeng ditlhogo tsa rona fa re rapelela batho bana.

<sup>156</sup> Jaanong, Rara wa Legodimo, re ile go baya diatla mo bathong bana. Mme ke a ba rapelela jaanong. Bathhanka ba Gago ba bogosi ke bana ba eme fano, mme rotlhe re ile go baya diatla mo balwetsing, ka gore O rile go direng. Re ile go go dira ka Leina la Jesu Keresete. Mma batho ba se ngodiege fela go ralala, fela mma ba ralale ba fodisiwa ka Leina la Jesu Keresete. Amen!

<sup>157</sup> Morena a le segofatseng. Jaanong tsamaelang gone fa godimo lo atametse.

Ka Leina la Morena Jesu, fodisa... Ka Leina la Morena Jesu, fodisa mokaulengwe wa me. Ka Leina la Morena Jesu, fodisa kgaitadiaké.

<sup>158</sup> Jaanong, fela—motsotsotso fela! Bonang! [Mokaulengwe Branham o opa diatla tsa gagwe ganê—Mor.] Mokaulengwe le kgaitadi, ke eng e le gore lo a ipela fa mosadi yole, fa temogo e ne e diragala, mme fa ba bangwe ba tla go ralala ga go sepe se se dirwang? Batho ba feta go ralala, “Sentine, fa ke sa...nne le temogo, sentle, go raya gore ga ke a bona sepe.” Moo ga go na sepe se se amanang le gone, Ene o fano fela go tshwana. Lo a bona?

<sup>159</sup> Fa o feta go ralala fano, tlaya ka diatla tsa gago di tsholeditswe, o re, “Ke a Go leboga, Morena Jesu. Ke Go amogela o le Motfodisi wa Me, mme ke tsamaya fela gone ka bonako le yone. Mongwe wa banna bana o ile go nklobetsa, ke ya gone mo lekadibeng la metsi mme ke kolobetswe, mme ke tswele ntle ebile ke itse gore O soloeditse gore ke tlaa amogela Mowa o o Boitshepo.”

<sup>160</sup> Lo a bona, gone... Temogo e santse e le fano. E santse e le fano, go tshwana fela le... Fano, ke go feng? Monna yona fano? Ke moeng mo go wena. A ke jalo, rra? Ga ke go itse. A... fa Modimo a tlaa mpolelala se e leng bothata jwa gago, a o tlaa ntumela go bo ke le moporofeti wa Gagwe, motlhanka wa Gagwe? O tlaa dira ka pelo yotlhe ya gago? Go siame, rra. Ke a leboga, rra. Moo ke mowa o montle thata go feta, selo se se siameng thata. Morago ga tsotlhe, o emetse mongwe o sele fano. Go ntse jalo. “Ke ngwana wa ngwana wa gago, o na le pholio, o ole maloba mme a ithoba leoto,” moo ke MORENA O BUA JAANA! A go ntse jalo? Go ntse jalo! Tsamaya mme o dumele jaanong, mme o tlaa siama.

<sup>161</sup> Jaanong, tlayang le dumela, mongwe le mongwe fela, tlayang fela. [Mokaulengwe Branham le badiredi ba rapelela balwetsi mo moleng wa thapelo—Mor.] ... ? ...

A go nne sego sebofo se se bofang  
 Dipelo tsa rona mo loratong lwa Sekeresete;  
 Kabalano ya monagano a losika  
 E tshwana le ele ko godimo.

Fano fa pele ga terone ya ga Rraarona,  
 Re tshollela dithapelo tsa rona tse di  
 tlhoaletseng;  
 Dipoifo tsa rona, ditsholofelo tsa rona,  
 maikaelelo a rona a mangwefela,  
 Dikgomotso tsa rona le tlhokomelo ya rona.

<sup>162</sup> Re eme mo godimo, bana ba Modimo ba ba nnye, ba ba golafetseng, ba ba foulafetseng, ba ba kokoropaneng. Badiredi ba Efangedi, lo a itse ga re na thata ya go fodisa. Fela Morena Jesu Keresete wa rona yo Mogolo o romela ditshupo tsena, ebile o kgala diabolo yo o bofileng. Re kgala diabolo...?... Re kgala bofou...?...

<sup>163</sup> Ka Leina la Jesu Keresete Morwa Modimo, re kopa gore Modimo o tlaa ba naya tumelo go dumela gore thapelo ya tumelo e bolokile balwetsi, mme Modimo o tla ba kakatlolla, mme ba tla tsoga gape. Go dumelele, Modimo Mothatiotlhe, ka Leina la Jesu Keresete.

<sup>164</sup> Jaanong, lona bakaulengwe tlogang foo . . . ? . . .

<sup>165</sup> Botlhe ba bangwe ba lona mnang mo thapelong jaanong, fa re . . . badiredi ba ba rapelela, le bone, jaanong. Re a rapela, re baya diatla.

<sup>166</sup> Rara wa Legodimo . . .

Mo go lona golo foo mo bareetsing ba ba sa tsenang mo moleng wa thapelo, bayanang diatla mongwe mo go dimo ga yo mongwe jaanong. Bayanang diatla mongwe mo go dimo ga yo mongwe.

<sup>167</sup> Rraetsho wa Legodimo, re Go tlisetsa bareetsi bana jaaka re tswalela tirelo ena le letsholo lena mo tlase ga mokgele wa ga Jesu Keresete, Moperesiti yo Mogolo yo motona yo o tloditsweng, Emanuele, a eme, a tsogile mo baswing, a tshelela ruri go dira ditetlanyo; Bolengteng jwa Gagwe jo bogolo jaanong bo na le rona, Thata ya Gagwe e e boitshepo mo go rona go re dira gore re bone diponatshegelo, re porofete, re beye diatla mo balwetsing. Lefoko la Modimo le le sa palelweng ga le kake la boela ko go Ena le le lolea. Ke kgala diabolo mongwe le mongwe wa bolwetsi, thata nngwe le nngwe ya boleo, tumologo nngwe le nngwe, ka Leina la Jesu Keresete, mma e phatlalale mo bathong mme mma ba fodisiwe.

<sup>168</sup> Segofatsa badiredi bana ba bakaulengwe, Morena, jaaka ba phuthegile mmogo ka pelo e le nngwe le bongwefela jwa pelo, le phuthego yotlhe ya kereke. Oho Modimo Mothatiotlhe, go Middletown yo mogolo yona, Ohio, romela tsosoloso morago ga sena, Morena, e e tlaa anamang go tloga letlhakoreng go ya letlhakoreng, go tla ga mmogo ga marapo, Morena, le ditlhale tsa letlalo. Mme mma thata ya Modimo e emeletse kereke e e maatla e e kopaneng fano mo motseng ona e e tlaa anamang, kereke ya sekai, gotlhe go kgabaganya setshaba, gore batho ba tle ba tle mo motseng ona go bona thata ya Modimo. Go dumelele, Morena. Fodisa balwetsi le ba ba bogisegang, boloka ba ba latlhiegileng, mme o Iponele kgalalelo.

<sup>169</sup> Go dumelele, gore disakatukwi tsotlhe tsena le diphuthelwana tse di ntseng fano . . . Ke a rapela, Morena, gore Mowa o o Boitshepo mo go rona, le mo kagong ena o re tlotsang, mma mongwe le mongwe wa bone a fole. Go kwadilwe mo Baebeleng gore erile Iseraele e ne e le mo tseleng ya maikarabelo, mo tseleng ya bone go ya lefatsheng le le solofeditsweng, gore Lewatle le le Hubidu le ne la nna mo tseleng. Mme mongwe wa bakwadi ne a re, “Modimo o ne a leba faatshe go ralala ka Pinagare ya Molelo mme Lewatle le le Hubidu le ne la tshoga la

bo le boela ko morago, mme Iseraele e ne ya ya ko lefatsheng la tsholofetso le le neng le sololeditswe.”

<sup>170</sup> Mme jaanong, go mo Baebeleng, go kwadilwe, “Ke tlaa rata gore godimo ga dilo tsotlhe le atlegeng mo botsogong.” Mme fa disakatukwi tsena di goroga mo bathong, kwa Satane a beileng Lewatle le le Hubidu mo pele ga bone, mma Modimo a lebe ko tlase go ralala ka Madi a ga Morwa o e leng wa Gagwe, Jesu Keresete, mme a kgale bolwetsi bongwe le bongwe mo go bao ba ba neng ba sa kgone go goroga fano; mme mma bolwetsi bo tloge bo be bo tshabe Lefoko la Modimo le tsholofetso ya Modimo le tlotso ya Modimo, mme mma batho ba tlolaganyetse ka ko tsholofetsong e e molemo eo ya botsogo jo bo siameng le nonofo. Go dumelele, Morena. Mme re neela gotlhe ga gone mo go Wena ka Leina la ga Morwao yo o lorato, Mmoloki wa rona Jesu Keresete. Amen.

<sup>171</sup> Bareetsi, mo go Ene yo o re itseng rotlhe, mo go Ene yo o re tsositseng gore re nne boswa jwa Gagwe mo lefatsheng, mo kerekeng ya Gagwe, mma ditshegofatsa Modimo tse di humileng di nne mo go lona lotlhe go fitlhela re kopana gape. Tirelo ya rona e e latelang, re itseng, e tlaa bo e le kwa motlaaganeng, Letsatsi la Tshipi le le latelang, mosong wa Letsatsi la Tshipi ya Paseka. Fong ke ile go...ka ko Illinois go tswa koo. A le segofatseng, tlhokomelang dikereke tsa lona, tlhokomelang dikereke tsena tse di siameng thata, tshwarang dipelo tsa lona ga mmogo. Nnang mo Lefokong la Modimo! Mo tsheleleng, gonne dilo tse di boitshegang di ntse ko pele ga lona, gakologelwang seo!

<sup>172</sup> Go fitlhela re kopana, a re emeng mme re opeleng:

Ke a Mo rata, ke a Mo rata  
Gobane O nthatile pele  
Mme a reka poloko ya me  
Mo setlhareng sa Golegotha.

<sup>173</sup> Jaanong, ka masisi, neelana diatla le mongwe yo o fa morago ga gago, fa pele ga gago, le matlhakoreng a gago.

Ke a Mo rata (mongwe le mongwe, jaanong), ke  
a Mo rata  
Gobane O nthatile pele  
Mme a reka poloko ya me  
Mo setlhareng sa Golegotha.

<sup>174</sup> Jaanong ka diatla tsa lona di tsholeleditswe ko Modimong, ko godimo tota jaanong, mongwe le mongwe go dire gore go dume.

Ke a Mo rata, ke a Mo rata  
Gobane O nthatile pele  
Mme a reka poloko ya me  
Mo setlhareng sa Golegotha.

<sup>175</sup> A re obeng ditlhogo tsa rona jaanong.

Go fitlhela re kopana, go fitlhela re kopana,  
Go fitlhela re kopana fa dinaong tsa Jesu;

Gakologelwang, ba le bantsi ba rona ga re kitla re kopana  
gape go fitlheleng nakong eo.

Go fitlhela re kopana, go fitlhela re kopana,  
Modimo a nne le lona go ya re kopana gape.

<sup>176</sup> Jaanong e opeleleng mo menong. [Mokaulengwe Branham  
o simolola go opelela mo menong—Mor.] Modisa phuthego wa  
lona.



*BODUMEDI JWA GA JESEBELE* TSW61-0319  
(Jezebel Religion)

Molaêtsa o ka Mokaulengwe William Marrion Branham, o nê wa rêrwa la ntla ka Sekgowa ka Letsatsi la Tshipi mo tshokologong, Mopitlwé 19, 1961, kwa National Guard Armory ko Middletown, Ohio, U.S.A., o tsêrwe mô theiping ya makenete mme wa gatisiwa ka Sekgowa o sa khutswafadiwa. Phuthololô e ya Setswana e gatisitswê le go abiwa ke ba ga Voice Of God Recordings.

TSWANA

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kitsisô ka tetlokhopi

Ditshiamelo tsotlhe di sireleditswe. Buka e e ka gatisiwa fa motšhineng wa go gatisa wa ka fa lelapêng gore e dirisiwe ka namana kgotsa gore e abêlanwe, go se tuêdisô epê, e le sedirisiwa sa go gasa Efangele ya Jesu Keresete. Buka e ga e ka ke e rekisiwe, e boelediwe ka bontsi, e baiwe fa webosaeteng, e bolokiwe mo mofuteng oo e ka tlhagisiwang gape ka one, e fetolêlwé go maleme a mangwe kgotsa e dirisiwe go kgobokanya madi kwa ntle ga tetla e e kwadilweng ya Voice Of God Recordings®.

Go ka bolêlêlwá go feta fa kgotsa go ka itse ka dilo tse dingwe tse di leng têng, tswêêtswêê, ikamanye le ba ga:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)